

OFFICIA PROPRIA  
DIOECESIS BASILEENSIS

FESTUM MAII

*Die 29 maii*

**S.Ragnacharii**  
Episcopi Basileensis  
Et Confessoris

III classis

**Ad Matutinum**  
Bened. Ad societatem  
Sermo sancti Máximi  
Episcopi  
Homilia 29 de S. Eusebio  
Lectio III (De Communi)

**B**eáti Patris Ragnachárii mérita, iam in tuto pósita, secúri magnificémus; qui, gubernáculum fidei viríliter tenens, áncoram spei tranquilla iam in statióne compósuit, et plenam caeléstibus divítiis et aetérnis mércibus navem optáto in lítore collocávit; qui contra omnes adversários scutum timóris Dei tándiu infatigabfliter tenuit, donec ad victoriam perveníret. Quid enim fuit totus vitae illiús cursus, nisi unius cum vígili hoste conflíctus ?-Ragnachárius, in monastério Luxoviénsi sancti Eustásii abbátis discípulus, circa annum sexcentésimum vicésimum uti

episcopus Ecclésiam Augustánam et  
Basileénsem rexit.

Te Deum laudamus.

Ad Laudes

V. Iustum dedúxit Dóminus per vias rectas. R. Et osténdit illi regum Dei.  
Ad Bened. ant. Euge, serve bone \* et fidélis, quia in pauca fuísti fidélis,  
supra multa te constíuam, dicit Dóminus.

Oratio

**D**eus, qui in corde beáti Ragnachárii Confessóris tui atque Pontíficis, ignem tui amóris accéndere dignátus es: da; ut eódem caritátis ardóre ab omni labe peccáti mundémur. Per Dóminum.

Et fit commemoratio S. Mariae Magdalenaæ de Pazzis Virginis :

Ant. Símile est regnum caelórum hómini negotiatóri quaerénti bonas margarítas : invénta una pretiósia, dedit ómnia sua, et comparávit eam. V. Diffusa est grátia in lábiis tuis. R. Propterea benedíxit te Deus in aetérnum.

Oratio

Deus, virginitatis amátor, qui béatam Maríam Magdalénam Vírginem, tuo amóre succénsam, caeléstibus donis decorásti: da; ut, quam festiva celebritáte venerámur, puritáte et caritáte imitémur. Per Dóminum.

Ad Vesperas

V. Iustum dedúxit Dóminus per vias rectas. R. Et osténdit illi regnum Dei.

Ad Magnif. Ant. Amávit eum Dóminus \* et ornávit eum : stolam glóriae índuit eum, et ad portas paradísi coronáavit eum.

Oratio Deus, qui in corde, ut supra.

## FESTUM JUNII

*Die 27 iunii*

**S. Burchardi**

Confessoris

III classis

Ad Matutinum

Bened. Ad societatem.

Lectio III (De Communi)

Beáti Burchárdi dies, cuius festivitátem celebrámus, ad ipsius recte factórum enarratióne linguam nostram evocávit. Si quidem hódie Beátus iste ad tranquíllam omnísque perturbatiónis expértem vitam tránsiit; eoque navígium áppulit, ubi deínceps non pótterit metúere naufrágium, nec ullam ánimi perturbatiónen aut dolórem. — Sanctus Buchárdus sáeculo procedénte décimo tértio paróeciae Beinwilénsi prope Muros sitae sanctíssime práefuit. Te Déum.

Ad Laudes

V. Iustum de dúxit Dóminus per vias rectas. R. Et osténdit illi regnum Dei.

Ad Bened. ant. Euge, serve bone \* et fidélis, quia in pauca fuísti fidélis, supra multa te constíuam ; intra in gáudium Dómini tui.

Oratio

**D**eus, qui nos beáti Buchárdi Confessóris tui ánnua solemnitáte laetificas: concéde propítius; ut cuius natalícia cólimus, étiam actiōnes imitémur. Per Dominum.

Ad Vesperas

V. Iustum dedúxit.

Ad Magnif. ant. Hic vir despiciens mundum \* et terréna, triúmphans, divítias caelo cóndidit ore, manu.

---

### FESTA IULII

---

*Die 11 iulii  
Ss. Placidi  
Martyris  
et Sigisberti  
Confessoris*

Commemoratio

Ad Laudes

Ant. Vestri capílli cápitibus omnes numeráti sunt: nolíte timére: multis passéribus melióres estis vos.

V. Exultábunt sancti in glória. R.  
Laetabúntur in cubílibus suis.

Oratio

**F**ac nos, quáesumus, Dómine, sanctórum tuórum Plácdi et Sigisbérti semper festa sectári: quorum suffrágii protectiōnis tuae dona sentiámus.

(Per Dóminum.)

Deinde fit commemoratio S.Pii I Papae et Martyris:

Ant. Qui odit ániam suam in hoc mundo, in vitam aetérnam custódit eam.

V. Iustus ut palma florébit. R. Sicut cedrus Líbani multiplicábitur.

Oratio.

Gregem tuum, Pastor aetérne, placátus inténde: et per beatum Píum Mártym tuum atque Summum Pontíficem perpétua protectiōne custodi, quem totius Ecclésiae praestítisti esse pastórem. Per Dóminum.

---

*Die 15 iullii*

**S. Henrici**  
Imperatoris  
Et Confessoris  
Patroni secundarii dioecesis  
Básileensis

II classis  
(Officiúm semifestívum)

### Ad Matutinum

Invitatorium, hymnus, antiphonae et psalmi de Communi Confessoris non Pont.

In I Nocturno lectiones **Beátus vir**, de eodem Communi loco.

### In II Nocturno

Pater. Absol. Ipsius  
Bened. Deus Pater.

Lectio IV

**H**enrícus e duce Baváriae Germániae rex, ac deinde Romanórum imperátor, cognométo Pius mérito appellátus: ab ineúnte aetáte, litéris et sanctíssimis

móribus óptime institútus, cum Cunegunde Mosellániae ducis filia in matrimónium ducta pie et caste vixit. Ottóne tertio e vivis subláto, Henrícus rex, mangno príncipum impérii consénsus, ac totius Germániae appláusu imperátor renuntiátus est.

R. Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritatēm aetérnam. V. Iustum dedúxit Dóminus per vias rectas, et osténdit illi regnum Dei. — Et.

Bened. Christus perpétuae

Lectio V

**M**ira gessit pro christiána religióne quaquavérsum propagánda, et pro império sancte administrándo. Nihil sine précibus ággredi sólitus, Románam Ecclésiam amplíssimo diplómate remunerátus, eiúsdem tuéndae causa, bellum advérsus Graecos in Apúliam félíciter suscépit. Stéphanum Hungarórum regem, data ei in matrimónium soróre sua, totúmque regnum illud ad Christifidem tradúxit. Bohémiam, Samátiam et Salvóniam, caelésti magis quam humána ope, partim império partim Christi regno subiécit. Angelum Dómini ac Mártires patrónos suos in pugnis sáepius hábuit. Benedictum octávum prófugum excépit, et suaे Sedi restítuit. Bambergéensem episcopátum hereditáriis ópibus fundátum, beáto Petro Romanóque Pontífici vectigálem fecit.

R. Amávit eum Dóminus, et ornávit eum : stolam glóriae índuit eum : \* Et ad portas paradísi coronávit eum. V. Induit eum Dóminus lorícam fídei et ornávit eum. — Et ad portas paradísi coronávit eum.

Bened. Ignem sui amóris.

Lectio VI

**B**asileéensem quoque episcopátum et ecclésiam, máximis impénsis restaurátam, novis provéntibus liberlíssime sub Adelberónem epíscopo auctam: uti et Argentinéensem, Magdeburgéensem, Hildesiéensem, Passaviéensem, Ratisbonéensem aliásque plúrimas per Itáliam, Gálliam et Germániam aut de novo eréxit, aut labefactátas restaurávit et amplíssimis donis remunerátus est. Tandem pluribus áliis rebus praecláre gestis et illústribus religiósae munificéntiae vestígii passim relíctis, anno regni et impérii sui vicésimo áltero anno salútis millésimo vicésimo quarto migrávit in caelum, sanctitatē et miráculis quam spectro imperiōque clárior, sepúltus Bambérgae mango cum honore, póstea ab Eugénio tertio Sanctórum numero adscriptus est.

R. Iste homo perfécit ómnia quae locútus est ei Deus, et dixit ad eum: Ingrédere in requiem meam: \* Quia te vídi iustum coram me ex ómnibus géntibus. V. Iste est qui contémpsit vitam mundi, et pervénit ad caeléstia regna. — Quia. Gloria. Quia.

**In III Nocturno**

Pater. Absol. A vnculis.  
Bened. Evangélica léctio.

Léctio sancti Evangélii secúndum  
Lucam.

Lectio VII Cap.19, 12-26

In illo témpore: Dixit Iesus  
discípulis suis parábolam hanc:  
Homo quídam nóbilis ábiit in  
régióne longínquam accípere sibi  
régnū et réverti. Et réliqua.

Homilía sancti Ambrósii Epíscopi  
Lib.8 in Lucam

**B**onus ordo, ut vocatúrus gentes et  
Iudáeos iussúrus intérfici, qui  
noluérunt regnare supra se  
Christum, hanc praemítteret  
comparatióne, ne dicerétur: nihil  
déderat pópulo Iudeórum, unde  
póterat mélior fieri, ut quid ab eo,  
qui nihil recépit, exígitur? Non  
mediocris ista est mna, quam supra  
múlier evangélica, quia non invénit,  
lúcernam accéndit, lúmine quaerit  
admóto, gratulátur invéntam.

R. Iste est, qui ante Deum magnas  
virtútes operátus est et de omni  
corde suo laudávit Dóminum: \* Ipse  
intercédat pro peccátis ómnium  
populórum. V. Ecce homo sine  
queréla, verus Dei cultor, abstinens  
se ab omni ópere malo, et  
pémanens in innocentia sua. – Ipse.

Bened. Cuius festum

Lectio VIII

**D**énique ex una decem mñas álius  
fecit, álius quinque. Fortásse iste

morália habet, quia quinque sunt  
córporis sensus; ille duplícia, id est,  
mystica legis, et morália probitatis.  
Unde et Matthaeus quinque talentá,  
et duo talénta pósuit: in quinque  
taléntis, ut sint morália, in duóbus  
utrúmque, mysticum atque morál.  
Ita quod númeru inférius, re  
ubérius.

R. Sint lumbi vestri praecínti, et  
lucérnae ardentes in manib⁹  
vestris: \* Et vos símiles homínibus  
exspectántibus dóminum suum  
quando revertátur a nuptiis.

V. Vigítate ergo, quia nescitis qua  
hora Dóminus vester venturus sit. –  
Et vos similes homínibus  
exspectántibus dóminum suum  
quando revertátur a nuptiis.

V. Vigiláte ergo, quia nescitis qua  
hora Dóminus vester venturus sit. –  
Et vos similes homínibus  
exspectántibus dóminum suum  
quando revertátur a nuptiis.

Glória Patri. Et.

Bened. Ad societátem

Lectio IX

**E**t hic pójimus decem mnas,  
decem verba intelligere, id est, legis  
doctrinam, quinque autem mnas  
magistéria disciplínae. Sed  
legisperitum in ómnibus volo esse  
perféctum. Non enim in sermóne,  
sed in virtute est regnum Dei. Bene  
autem, quia de Iudáeis dicit, duo  
soli multiplicátam pecúniam  
déferunt, non útique aeris, sed  
dispensatiónis usúris, Alia est enim  
pecúniae fínebris, ália doctrinae  
caeléstis usúra.

Te Deum laudámus.

### **Ad Laudes**

Antiphonae de Communi, psalmi de dominica.

V. Iustum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fusti fidélis, supra multa te constituam ; intra in gáudium Dómini tui.

### Oratio

**D**eus, qui hodiérna die beátum Henricum Confessórem tuum e terréni cúlmine impérii ad regnum aetérnum transtulísti: te súpplices exorámus; ut, sicut illum, grátiae tuae ubertáte praevéntum, illécebras saeculi superáre fecisti, ita nos fáciás, eius imitatióne, mundi huius blandiménta vitáre, et ad te puris méntibus pervenire. Per Dóminum.

Ad Horas minores antiphona et psalmi de feria currenti.

### **Ad Vesperas**

Antiphonae de Communi, psalmi de dominica, sed loco ultimi ps. 116 **Laudáte Dóminum.**

V. Iustum dedúxit.

Ad Magnif. ant. Hic vir despíciens mundum \* et terréna, triúmphans, divítias caelo cóndidit ore, manu.

Completorium de dominica.

*Die 24 iulii*

### **Ss. Ursicini et Wandregisili**

Confessorum  
III classis

(Commune plurium Confessorum non Pontificum versus finem Communis Sanctorum in Breviario.)

### **Ad Matutinum**

Bened. Ad societátēm

### Lectio III

**U**rsicínus, Columbáni discípulus, ut antíquitus fertur, in monastério Luxoviénsi primum vixit, a quo, magistro e Gálliae regno expúlso, discédens Evangélium in lacus Nugarolénsis (nunc Biennénsis) fínibus praedicásse dicitur. Deinde, vitae perfectióris cúpidus, solitúdinem ad Dubim flumen sitam domicílium sibi elégit, ubi, vitam piam humilémque degens, praeclárum praeübuit exémplum; quo permóti, plures ei erant discipuli, cum anno sescentésimo vicésimo e vita migrávit. – Paucis elápsis annis, Wandregísilus, nóbilis quidam vir ex agro Verdunénsi, facultátibus in pios usus erogátis mundóque relícto, ad sancti Ursicíni túmulum venit ibíque cellam aedificávit. Qua ex cella monastérium, in capítulum subínde mutátum, necnon et oppidulum originem et nomen duxérunt. Wandregisilus vero, post várias peregrinatiónes in Gálliā redux et sacerdótio auctus, in monastério Fontanéllae ab ipso cóndito beáto fine quiévit. Te Deum.

### **Ad Laudes**

V. Iusti confitebúntur nómini tuo, Dómine. R. Et habitábunt recti cum vultu tuo.

Ad Bened. Ant. Egrédere de terra tua \* et de domo patris tui et veni in terram, quam monstrábo tibi.

Oratio

**D**eus, qui beátos Ursicínū et Wandregisílum Confessóres tuos in mundi contémptu mirábiles effecísti: praesta, quaeſumus; ut intercessiónis eórum auxílio fidéles tui terréna despíciant et ad caeléstia semper aspírent. Per Dóminum.

Et fit commemoratio S. Christinae Virginis et Martyris :

Ant. Símile est regnum caelórum hómini negotiatóri quaerénti bonas margarítas: invénta una pretiósā, dedit ómnia sua, et comparávit eam. V. Diffusa est grácia in lábiis tuis. R. Propterea benedíxit te Deus in aetérnum.

Oratio

Indulgéntiam nobis, quaeſumus, Dómine, beáta Christína, Virgo et Martyr implóret: quae tibi grata simper exstítit, et mérito castitatis et tuae professióne virtutis. Per Dóminum.

**Ad Vesperas**

V. Iusti confitebúntur.

Ad Magnif. Ant. Relíqui domum meam, \* dimisi hereditátem meam, quia bonum mihi est adhaerére Deo, pónere in Dómino spem meam.

Oratio

Deus, qui beátos, ut supra.

---

FESTA AUGUSTI

*Die 16 augusti*  
**S. Theoduli**

Episcopi Sedunensis et Confessoris  
Commemoratio

**Ad Laudes**

Ant. Euge, serve bone et fidélis, quia in pauca fuísti fidélis, supra multa te constíuam, dicit Dóminus.

V. Iustum dedúxit Dóminus per vias rectas. R. Et osténdit illi regnum Dei.

Oratio

**D**a, quáesumus, omnipotens Deus: ut beáti Theodúli Confessóris tui atque Pontificis veneránda sollémnitas, et devotíonem nobis áugeat et salútem. Per Dóminum.

---

*Die 26 augusti*

**S. Gebhardi**

Episcopi  
Constantiensis et Confessoris  
Commemoratio

**Ad Laudes**

Ant. Euge, serve bone et fidélis, quia in pauca fuísti fidélis, supra multa te constíuam, dicit Dóminus.

V. Iustum dedúxit.

Oratio

**E**xáudi, quaeſumus, Dómine, preces nostras, quas in beáti Gebhárdi Confessóris tui atque Pontificis sollempnité deférimus: et qui tibi digne mérit famulári, eius intercedéntibus méritis, ab ómnibus nos absólve peccátis. (Per Dóminum.)

Deinde fit commemoratio S. Zephyrini Papae et Mart.

Ant. Qui odit ánimam suam in hoc mundo, in vitam aetérnam custódit eam.

V. Iustus ut palma florébit. R. Sicut cedrus Libani multiplicábitur.

#### Oratio

Gregem tuum, Pastor aetérne, placátus inténde: et per beatum Zephyrínnum Mártyrem tuum atque Summum Pontíficem perpétua protectióne custódi, quem totius Ecclésiae praestitísti esse pastórem. Per Dóminum.

libris de eius vita scriptis, et quidem in circúitu latíori divulgátus, lucídissime appáruit. Mirum ígitur non est, sanctae Verénae sepúlcrum a multis peregrinántibus pétitum eiúsque nómini non Zurzáchii solum, sed et in áliis Helvétiae Germaniáeque paróeciis ecclésias et altária dedicáta esse. Perículo témporte infelícis sic dictae Reformatiónis minánte superáto, cultus dénuo efflóruit et memória litúrgica, in dioecési Basileáensi imprímis práestita, nostra étiam aetátē pérmanet.

Te Deum laudámus.

#### Ad Laudes

V. Diffusa est grátia in lábiis tuis.  
R. Propterea benedíxit te Deus in aetérnum.

Ad Bened. ant. Símile est regnum caelórum \* hómini negotiatóri quaerénti bonas margarítas: invénta una pretiósia, dedit ómnia sua, et comparávit eam.

#### Oratio

Deus, qui beatam Verénam in contemplánda mártirum passióne divíni amóris igne flagráre fecísti: quáesumus, ut, ipsa intercedénte, in nobis flammam caritatis accéndas. Per Dóminum.

Deinde fit commemoratio S. Aegidii Abbatis:

Ant. Euge, serve bone et fidélis, quia in pauca fuísti fidélis, supra multa te constítuam; intra in gáudium Dómini tui.

---

#### FESTA SEMPTEMBRIS

*Die I septembbris*

**S. Verenae**

Virginis

III classis

**Ad Matutinum**

Bened. Ad societátem

Lectio III

Veréna virgo labéntis Romanórum impérii tempóribus, in Castélllo Zurzáchio tam sancte vixit, ut eius memória post mortem non interíret, sed ab íncolis Románis pósteris et Alemánnis immigrántibus traderéetur. Eius cultus, primo non ita maniféstus, sáeculo nono váriis testimóniis, martyrológiis, litaníis,

V. Iustum deduxit Dóminus per vias rectas. R. Et osténdit illi regnum Dei.

Oratio

Intercéssio nos, quáesumus, Dómine, beati Aegídií Abbátis comméndet : ut, quod nostris méritis non valémus, eius patrocínio assequámur. (Per Dóminum.)

Postea commemoratio Ss. duodecim Fratrum Martyrum :

Ant. Vestri capílli cápití omnes numeráti sunt : nolíte timére : multis passéribus melióres estis vos.

V. Exultábunt sancti in glória. R. Laetabúntur in cubílibus suis.

Oratio

Fratérna nos, Dómine, Mártyrum tuórum coróna laetificet : quae et fidei nostrae práebeat increménata virtútum, et multíplici nos suffrágio consolétur. Per Dóminum.

**Ad Vesperas**

V. Diffusa est grátia in lábiis tuis. R. Propterea benedíxit te Deus in aetérnum.

Ad Magnif. Ant. Veni, sponsa Christi, \* áccipe corónam, quam tibi Dóminus praeparávit in aetérnum.

Oratio

**D**eus, qui beátam Verénam in contemplánda mártirum passióne divini amoris igne flagráre fecísti: quáesumus, ut, ipsa intercedénte, in nobis flammam caritatis accéndas. Per Dóminum.

*Die 2 septembris*

**Beati Apollinaris**

a Posat

Martyris

III classis

**Ad Matutinum**

Bened. Ad societátēm

Lectio III

**A**pollináris, prope Fribúrgumin Helvétia natus, vicésimo térito aetatis anno in Fratrum Minórum Capuccinórum órdinem recéptus, religíosi hóminis exémplar práebuit. Sacérdos factus, missiónibus pópulo prædicándis – aliquámidu étiam in convéntu Bruntrutáno còmmorans – se dedit. Plúrimis in convéntibus philosóphiae theologíaeque magister deputátus ac público gymnásio Stántii præpositus, numquam ab animárum cura abstínuit. Calúmniis fidem morésque eius suspicántibus crudéliter afflictus, superiòrum consénsu Lutétiam Parisiòrum ad missiónum Asiaticárum linguas addiscéndas se cóntulit. Necessitatibus germánicae linguae fidélium spirituálibus permótus iisque medéri cúpiens, ibi cónstituit. Cum vero Paulo post magna perduéllio Ecclésiae magis magísque adversária exarsísset, innumerósis cum áliis tandem et Apollináris captus est. Ad Carmelitárum ecclésiam in cácerem mutátam, ubi multis captívis solátio erat, addúctus, vitam

suam martyrio coronavit die secundo septembbris anno millésimo septingentésimo nonagésimo secundo. Quem Pius undécimus beatis Martýribus adscripsit.  
Te Deum laudámus.

#### Ad Vesperas

V. Iustus ut palma florébit. R. Sicut cedrus Líbani multiplicábitur.  
Ad Magnif. Ant. Qui vult venire post me, \* ábneget semetípsum, et tollat crucem suam, et sequátur me.

#### Ad Laudes

V. Iustus ut palma florébit. R. Sicut cedrus Líbani multiplicábitur.  
Ad. Bened. Ant. Qui odit \*ánimam suam in hoc mundo, in vitam aeternam custódit eam.

#### Oratio

**E**cclésiam tuam, quáesumus,  
Dómine, fac nos semper filiáli  
pietáte dilígere: cuius in iúribus  
propugnándis beátus Apollináris,  
spíritu fortitúdinis roborátus, ad  
mortem usque certávit. Per  
Dóminum.

Et fit commemoratio S. Stephani Regis,  
Confessoris :

Ant. Euge, serve bone et fidélis, quia  
in pauca fuísti fidélis, supra multa te  
constítuam; intra in gáudium  
Dómini tui.

V. Iustum dedúxit Dóminus per vias  
rectas. R. Et osténdit illi regnum  
Dei.

#### Oratio

Concédé, quáesumus, Ecclésiae  
tuae, omnipotens Deus: ut beátum  
Stéphanum Confessórem tuum,  
quem regnántem in terris  
propagatórem hábuit,  
propugnatórem habére mereátur  
gloriósum in caelis. Per Dóminum.

#### Oratio

**E**cclésiam tuam, quáesumus,  
Dómine, fac nos semper filiáli  
pietáte dilígere: cuius in iúribus  
propugnándis beátus Apollináris,  
spíritu fortitúdinis roborátus, ad  
mortem usque certávit. Per  
Dóminum.

*Die 22 septembbris*

#### Ss. Mauriti et Sociorum

Matyrum

III classis

#### Ad Matutinum

Bened. Ad. Societátem.

#### Lectio III

**M**aurítius, mílitum dux  
christianórum, quibus trádito  
antiquíssima Legiónis Thebáicae  
nomen impósuit, exeúnte sáeculo  
tértio prope Agánum cum  
sociórum número haud exíguo  
martyrii corónam adéptus est.  
Quorum ad passiónis memóriam  
honorándam et conservándam  
Theodórus, Octodurénsis epíscopus,  
cuius témpore Sanctórum reliquiae  
repertae sunt, sanctuárium  
constrúxit, quod Sigismundus,

Burgundiórum rex, anno quingentésimo décimo quinto in abbatíam elevávit. Martýrii locus, ad frequéntem viam Montem Iovis transeúntem situs, brevi multos peregrinántes alléxit, qui Maurítii cultum vel in díssitas Gálliae et póstea étiam Germániae régiones divulgavérunt. Eius glória et haec tulit, ut « Pássio » multis legéndis exornaréatur et aliórum locórum mártires, Maurítii sóciis adscriberéntur. Scriptis et ecclésiis eius nómini dedicátis conserváta, memória eius immortális perdúrat. Te Deum laudámus.

#### Ad Laudes

V. Exsultábunt sancti in glória. R. Laetabúntur in cubílibus suis.

Ad. Bened. Ant. Vestri capílli cápitíis \* omnes numeráti sunt: nólite timére: multis passéribus melióres estis vos.

#### Oratio

**A**nnue, quáesumus, omnípotens Deus: ut sanctórum Mártirum tuórum Maurítii et Sociórum eius nos laetíficet festíva solémnitas, ut quorum suffrágii nítimur, eórum natalíciis gloriémur. Per Dóminum.

Et fit commemoratio S. Thomae de Villanova Episcopi et Confessoris:

Ant. Eleemosynas illíus enarrábit omnis ecclésia sanctórum.

V. Iustum dedúxit Dóminus per vias rectas. R. Et osténdit illi regnum Dei.

#### Oratio

Deus, qui béatum Thomam Pontíficem insígnis in páuperes

misericórdiae virtúte decorásti : quáesumus; ut eius intercessióne in omnes, qui te deprecántur, divítias misericórdiae tuae benígnus effúndas. Per Dóminum.

#### Ad Vespertas

V. Exsultábunt sancti in glória. R. Laetabúntur in cubílibus suis.

Ad. Magnif. Ant. Gaudent in caelis \* ánime Sanctórum, qui Christi vestígia sunt secúti: et quia pro eius amóre sanguinem suum fudérunt, ídeo cum Christo exsúltant sine fine.

#### Oratio

**A**nnue, quáesumus, omnípotens Deus: ut sanctórum Mártirum tuórum Maurítii et Sociórum eius nos laetíficet festíva solémnitas, ut quorum suffrágii nítimur, eórum natalíciis gloriémur. Per Dóminum.

*Die 25 septembbris*

**S. NICOLAI DE FLÜE**

Confessoris, Patroni principalis  
Helvetiae

I classis

**Ad I Vesperas**

Ant. I Cantábo Dómino, \* qui me segregávit ex útero matris meae, et vocávit me per grátiam suam.

Psalmi ut in I Vesperis de Communi Apostolorum.

2 Cum adhuc iúnior essem, \* quaeſívi sapiéntiam in oratióne mea; et laetárum est cor meum in ea.

3 Sitívit \* in te, Dómine, ánima mea: ut vidérem in terra desérta glóriam tuam.

4 Sub umbra illíus, \* quem desideráveram, sedi: et fructus eius dulcis gútturi meo.

5 Erit opus \* iustítiae pax, et sedébit pópulus meus in pulchritúdine pacis.

Capitulum  
Rom. 14, 17-18

Fratres: Non est regnum Dei esca et potus, sed iustítia et pax et gáudium in Spíitu Sancto: qui enim in hoc servit Christo, placet Deo et probátus est homínibus.

Hymnus

Nítore candens Alpium,  
Te, Nicoláe, dícimus,  
Cui vita solus éxstitit Iesus in aris  
ábditus.

Amóre dio pércitus,  
Saecli dolósis gáudiis

Spretis, erémo cónderis  
Deóque inháeres únice.

Qui te stupéndo nútuit  
Altáris uno pábulo,  
Nobis id ipsum cáelicum  
Det Manna concupíscere;  
Sanctis ut usque móribus  
Christi nitéscant ásseclae,  
Insonis iuvénta flóreat,  
Castúmque sit connúbium.  
Sit Trinitáti glória,  
Quae per lavácrum mýsticum  
Nos tergit atque pálmites  
Christo feráces ínsertit.

Amen.

V. Sápiens in pôpulo hereditábit honórem. R. Et nomen illíus erit vivens in aetérnum.

Ad Magnif. Ant. Os prudéntis \* quáeritur in coetu populórum, et verba illíus cogitábunt in córdibus suis.

Oratio

**B**éáti Nicolái, Confessóris tui, intercessióne suffulti, te, Dómine, supplíciter exorámus: ut gentem nostram benígnia semper protectióne custódias, eiúsque rectóribus grátiae tuae lumen cleménter infúndas. Per Dóminum.

Completorium de dominica.

**Ad Matutinum**

Invit. Regem Confessórum  
Dóminum, \* Veníte, adorémus.  
Ps. 94 Veníte.

Hymnus

**V**értices cantus íterant nivosi,

Adsonant valles nemorúmque  
saltus,  
Gens tibi plaudit pia, Nicoláe  
Helvetiúrum.

Te patrem grata Pátriae salútat,  
Quem fides Christi pietásque mira  
Extulit terris meritísque onústum  
Vexit ad astra.

Miles in bello pius atque fortis,  
Iuris assérтор rígidas, renátis  
Fonte baptísmi documénta praebes  
Fúlgida vitae.

Assidet virtus thálasmo iugáli,  
Quem verecúnđus pudor apparávit,  
Quemque natórum recreat coróna  
Móribus insons.

Falce dum fenum metis aut ligóne  
Arva proscíndis, súperos amóres  
In Deum raptus speculánte mente  
Cóbibis ardens.

Praestet hoc nobis Pater ac  
Redémptor  
Et Paraclétus prece Nicolái,  
Quos pares una Deitátē pronus  
Orbis adóret. Amen

In I Nocturno

Ant. 1 Dóminus \* formávit me ex  
útero servum sibi: et Deus meus  
factus est fortítudo mea.

Psalmi trium Nocturnorum de Communi  
Confessoris non Pontificis.

2 Quaesívi \* sapiéntiam a iuventúte  
mea, et amátor factus sum formae  
illíus.

3 Optávit, \* et datus est mihi  
sensus: vocávi, et venit in me  
spíritus sapiéntiae.

V. Sápiens in pópulo hereditábit  
honórem, R. Et nomem illíus erit  
vivens in aetérnum.

Pater. Absol. Exáudi.  
Bened. Benedictióne.

De libro Sapiéntiae  
Lectio I Cap. 8, 5-7

**S**i dívítiae appetúntur in vita, quid  
sapiéntia locuplétius, quae operátor  
ómnia ? Si autem sensus operátur,  
quis horum quae sunt magis quam  
illa est ártifex ? Et si iustítiam quis  
díligit, labóres huius magnas habent  
virtútes; sobrietátem enim et  
prudéntiam docet et iustítiam et  
virtútem, quibus útilius nihil est in  
vita homínibus.

R. Cum adhuc iúnior essem,  
quaesívi sapiéntiam in oratióne  
mea, efflóruit tamquam praecox  
uva, \* Et laetátum est cor meum in  
ea. V. Ambulávit pes meus iter  
rectum: a iuventúte mea  
investigábam eam. – Et.

Bened. Unigénitus.

Lectio II Cap. 8, 9-14

**P**ropósui ergo hanc addúcere mihi  
ad convivéndum, sciens quóniam  
mecum communicábit de bonis, et  
erit allocútio cogitatiónis et táedii  
mei. Habébo propter hanc  
claritátem ad turbas, et honórem  
apud seniores iúvenis et acútus  
invéniar in iudicio, et in conspéctu  
poténtium admirabúntur me. Tacéntem  
me sustinébunt et loquéntem me  
respícient et, sermocinánte me  
plura, manus ori suo impónent.  
Praetérea habébo per hanc  
immortalitátem et memóriam  
aetérnam his, qui post me futúri  
sunt, relínquam. Dispónam pópulos,  
et natiónes mihi erunt súbditae.

R. Propter sapiéntiam hábui claritátem ad turbas \* Et in conspéctu poténtium admirábilis fui. V. Hanc amávi et exquisívi a iuventúte mea, et amátor factus sum formae illíus. – Et.

Bened. Spíritus Sancti.  
Lectio III Cap. 8, 15-17

**T**ímébunt me audiéntes reges horéndi; in multitúdine vidébor bonus et in bello fortis. Intrans in domum meam, conquiéscam cum illa ; non enim habet amarítudinem conversátio illíus, nec táedium convíctus illíus, sed laetítiā et gáudium. Haec cógitans apud me et commémorans in corde meo, quóniam immortálitas est in cognatióne sapiéntiae.

R. Vir sápiens implébitur benedictióibus, \* Et vidéntes illum laudábunt. V. Collaudábunt multi sapiéntiam eius, et usque in sáeculum non delébitur. – Et .Glória Patri. Et.

### In II Nocturno

Ant. 1 Dedúxit me Dóminus \* in via mirábili: et fuit mihi in velaménto diéi et in luce stellárum per noctem.

2 Pósuit \* desértum meum quasi delícias, et in solitúdinem meam quasi hortum Dómini.

3 Laetábitur \* desérta et ívia, et exultábit solitúdo, et florébit quasi lílum.

V. Iustus in Dómino hereditábit in multitúdine pacis.

Pater. Absol. Ipsius  
Bened. Deus Pater.

### Lectio IV

**N**icoláus de Flüe in Saxulénsi Subsilvániae pago, Constantíensi tunc témporis dioecésis, honéstis paréntibus procreátus, singulári prorsus innocéntia pueríles annos exégit. Adoléscens tria sibi per hebdómadam ieíunia ad sanctórum Nicolái Myrénsis et Tolentinátis imitatióнем indíxit. Divínis étiam contemplatióibus die noctúque sic erat inténtus, ut solitáriam vitam summe desideráret, sed suórum votis tandem cedens, matrimónium íniit, quo filios quinque totidémque filias procreávit. Militiam quoque cum sequerétur, sanctae Catharínae monastérium in pago Thurgoviénsi ab imminénti incéndio, uti fertur, suo válido intervéntu mire servávit incólume. In pátriam deínde revérsus, suprénum ibidem magistrátum sáepius oblátum constánter recusávit, et praecípue, dum luce instructus supérrna, sulphúreas flamas in corrúpto iúdicum ore conspíceret.

R. Ecce elongávi fúgiens et mansi in solitúdine : \* Quóniam vidi iniquitátem et contradicciómem in civitáte. V. Pósuit desértum meum quasi delícias, et solitúdinem meam quasi hortum Dómini. – Quoniam.

Bened. Christus perpétuae

Lectio V

**C**um ínterim Deus non desíneret illius pectus altioris vitae desidériis succéndere, relíctis ómnibus in vicinam erémum secéssit: ubi vigínti prope annos inusitáta vitae austéritaté tradúxit: priscórum anachoretárum mirácula et virtútes ita rénovans, ut eius fama permotí longe latéque pópuli ad eum conflúixerint. Eisdem annis sine corporáli cibo potúque vitam egit, solo sanctíssimo Christi Cörpore reféctus; cuius miráculi veritátem Constantiénensis Proepíscopus certo comprobávit. Assíduo virtútum stúdio et perpétua Domínicae Passiónis meditatióne dáemonum quidem furórem in se concitávit vehementissimum, sed neque defuérunt ei caeléstes visiónes, quas inter illústrior illa fuit, quando sanctíssima Trínitas in rotae fulgéntis spécie sese ei obiécit, et tantam divinórum radiórum arcanáeque sapiéntiae cópiam in eum profúdit, ut in vultu ipsíus insólitus splendor ad mortem usque viderétur. Accedéntes ad se, populáres máxime suos, multis salutáribus móntis erudívit, potíssimum eos exhórtans ad Sedis Apostólicae et Cleri observántiam ac praecípue ad dignos fructus feréndos paenitentiae, quam ipse vultu et cörpore prorsus emaciáto, rudi quoque túnica, nudis semper pédibus et cápite, efficacíssime praedicábat. Prophetiae dono emíniuit: futúra et occúltas hóminum cogitatiónes non raro perspéxit.

R. Os prudéntis quaeritur in coetu populórum: \* Et verba illíus cogitábunt in códibus suis. V. Cibávit illum Dóminum pane vitae et intelléctus, et aqua sapiéntiae salutáris potávit illum. – Et.

Bened. Ignem sui amóris.

Lectio VI

**S**arnam, praecípuum Silvae Superioris pagum gravi incéndio crucis signo íllico exémit. Illud quoque memorándum est, quod post insígnem victóriam ab octo Helvétiae pagis de potentíssimo Burgúndiae duce partam, cum inter ipsos foederátos haud levis exórta esset dissénsio, quae nonnisi ferriam viderétur decernénda, beatíssimus senex eos fórtiter simul ac suáviter cohortátus, ad concórdiam brevi perdúxit: dignus plane qui idcirco auctor pacis et pátriae pater a póstéris meruerit nominári. Demum anno octogésimo séptimo supra millésimum quadríngentésimum, gravíssimo morbo cruciátus, in ássere, quo toto erémi témpore pro léctulo usus fuerat, procúmbens, placidíssime óbiit die vicésima prima mártii. Sacrum eius corpus in Saxulénsi paróchia cónditum et miráculis nobilitatum, magno Helvetiòrum et exterórum accúrsu cólitur; quod étiam cum sanctus Cárolus Borromáeus invíseret, Nicoláum exímium sanctum pronuntiáre non dubitávit. Cultum vero Beatórum a fidélibus populis ei semper præstitum Innocéntius papa décimus ratum hábuit et confirmávit; Pius duodécimus

dénique beátum Nicoláum in Sanctórum númerum rétulit.

R. Nominátum est nomen glóriae eius usque ad extrémum terrae; fecit pacem super terram. \* Et laetátus est pópulus eius laetítia magna.

V. Exaltávit illum Dóminus apud próximos suos. – Et. Glória Patri. Et.

### In III Nocturno

Ant. 1 Qui operártur iustítiam \* et lóquitur veritátem, requiéscet in monte sancto tuo, Dómine.

2 Desidérium \* ánimae eius tribuísti ei, Dómine : quóniam praevenísti eum in benedictiónibus dulcédinis.

3 Non recédet \*memória eius, et nomen eius requiréatur a generatióne in generatiónen.

V. Scíentia sapiéntis tamquam inundátio abundávit. R. Et consilium eius sicut fons vitae.

Pater. Absol. A vinculis.

Bened. Evangélca léctio

Léctio sancti Evangélii secúndum Mattháeum

Lectio VII Cap. 19, 27-29

**I**n illo témpore : Dixit Petrus ad Iesum: Ecce nos relíquimus ómnia, et secúti sumus te : quid ergo erit nobis ? Et réliqua.

Homilía sancti Ioánnis Chrysóstomi Hom. 64 in Matth. N. 1-2

**D**iligénter expénde quam exquisíté duo illa, quae Christus a dívite pétit, ut scílicet paupéribus substántiam distribúeret suam et sequerétur Christum. Petrus bréviter compléxus est, dicens : Relíquimus

ómnia, et secúti sumus te. Ambo enim haec facta iam erant, nam sua reliquérint, ut ipsum sequeréntur ; et eo quod ómnia reliquérint, sequi facilius potuérunt. Et quóniam reliquérint, confidere atque gaudére ipsos admonébat.

R. Fortitúdo mea et refúgium meum es tu : \* Et propter nomen tuum dedúces me et enútries me. V. Quam magna multitúdo dulcédinis tuae, Dómine, quam perfecísti eis, qui sperant in te. – Et.

Bened. Cuius festum

### Lectio VIII

**Q**uid ígitur Christus respóndet ? Amen dico vobis, quia vos qui secúti estis me, in regeneratióne, cum séderit Fílius hóminis in sede maiestatis suae, sedébitis et vos super sedes duódecim. An ígitur et Iudas sedébit ? Mínime. Quómodo ígitur in duódecim sédibus sedébunt ? Quómodo pollicitatio haec adimplébitur ? Atténde quómodo. Non dixit solúmmodo, Sedébitis et vos ; sed adiécit, Qui me secúti estis ; ut et Iudam eíciat, et posteriores átrahat.

R. Amen dico vobis, quod vos, qui secúti estis me, in regeneratióne cum séderit Fílius hóminis in sede maiestatis suae : \*Sedébitis et vos super sedes duódecim, iudicántes duódecim tribus Israël. V. Et omnis qui relíquerit domum, vel fratres, aut sorórem, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam aetérnam possidébit. – Sedébitis. Glória Patri. Sedébitis.

Bened. Ad societatem.

### Lectio IX

**C**um autem dicit: Quimcunque reliquerit uxorem, non simpliciter praecepit dirimenda esse matrimonia. Sed, sicut in superioribus dicebat: Qui perdit animam suam propter me, invenerit ipsam, non ut nosmetipsos interimamus, neque ut animam nostram a corpore disiungamus; sed ut religionis pietatem ceteris omnibus anteferamus, ita de uxore quoque ac fratribus intellegendum est.

Te Deum laudamus.

### Ad Laudes Et per Horas minores

Ant. 1 Cantabo Dominum \*qui me segregavit ex utero matris meae, et vocavit me per gratiam suam.

Psalmi de dominica.

2 Cum adhuc iunior essem, \* quaevis sapientiam in oratione mea; et laetatum est cor meum in ea.

3 Sitivit \* in te, Domine, anima mea: ut vidarem in terra deserta gloriam tua.

4 Sub umbra illius, \* quem desideraveram, sedi: et fructus eius dulcis gutturi meo.

5 Erit opus \* iustitiae pax, et sedebit populus meus in pulchritudine pacis.

Capitulum Rom. 14, 17-18

**F**ratres: Non est regnum Dei esca et potus, sed iustitia et pax et gaudium in Spíitu Sancto: qui

enim in hoc servit Christo placet  
Deo et probatus est hominibus.

### Hymnus

**V**ir, pater felix, stimulis supernis  
Actus, uxorem puerisque linquis,  
Tendis et montis tacito recessu  
Condere vitam.

Cörperis quavis dape denegata,  
Rebus aeternis inhiare gaudes,  
Esca fit vitae tibi Christus unus  
Abditus aris.

Sic pias mundi scelerosa facta,  
Patriae tutum columen futurus,  
Caede quam foeda prohibes,  
sequester  
Pacis amicæ.

Sede nunc caeli rutila receptus  
Ut fidem Petri tueamur, ora;  
Deviros fratres revoca, labantes  
Roble firma.

Gentibus pacis bona comprecare,  
More fac casto thalamus nitescat,  
Et latens nobis etiam sit aris  
Vivere Christus.

Praestet hoc nobis Pater ac  
Redemptor  
Et Paracleitus prece Nicolai,  
Quos pares una Deitate pronus  
Orbis adoret.

Amen

V. Longe divulgatum est nomen tuum.

R. Et dilectus es in pace tua.

Ad Bened. Ant. Illuminavit me  
Dominus \* oriens ex alto: ad

dirigéndos pedes meos in viam pacis.

Oratio

**B**éati Nicolái, Confessóris tui, intercessióne suffúlti te, Dómine, supplíciter exorámus : ut gentem nostram benigna semper protectióne custódias, eiúsque rectóribus grátiae tuae lumen cleménter infúndas. Per Dóminum.

Ad Horas minores psalmi de dominica : ad Primam tamen ut in festis.

V. Iustus in Dómino hereditábit terram.

R. Et delectábitur in multitúdine pacis.

**Ad Sextam**

Ant. Sitívít \* in te, Dómine, ánima mea : ut vidérem in terra desérta glóriam tuam.

Capitulum Rom. 14,19

**I**taque quae pacissunt sectémur : et quae aedificatiónis sunt, in ínvicem custodiámus.

R. br. Iustus in Dómino \* Hereditábit terram. Iustus. V. Et delectábitur in multitúdine pacis. Hereditábit. Glória Patri. Iustus.

V. Scíentia sapiéntis tamquam inundátio abundávit. R. Et consílium eius sicut fons vitae.

**Ad Nonam**

Ant. Erit opus \* iustitiae pax, et sedébit pópulus meus in pulchritúdine pacis.

Capitulum Rom. 15, 5-6

**D**eus autem patiéntiae et solácií et vobis idípsum sápere in altérutrum secúndum Iesum Christum, ut unánimes uno ore honorificétis Deum et Patrem Dómini nostri Iesu Christi.

R. br. Scientia sapiéntis \* Tamquam inundátio abundávit. Scíentia. V. Et consílium eius sicut fons vitae. Tamquam. Glória Patri. Scíentia.

V. Longe divulgátum est nomen tuum.

R. Et diléctus es in pace tua.

**Ad II Vespertas**

Omnia ut in I Vesperis 25, praeter sequentia:

V. Longe divulgátum est nomen tuum.

R. Et diléctus es in pace tua.

Ad Magnif. Ant. Cibávit illum Dóminus \* pane vitae et intelléctus, et aqua sapiéntiae salutaris potávit illum ; et exaltávit illum apud próximos suos in aetérnum, allelúia.

Oratio

**B**éati Nicolái, Confessóris tui, intercessióne suffúlti, te, Dómine, supplíciter exorámus : ut gentem nostram benigna semper protectióne custódias, eiúsque rectóribus grátiae tuae lumen cleménter infúndas.

Per Dóminum.

Et fit commemoratio sequentis, ut infra.  
Completorium de dominica.

**In Dedicatione  
Ecclesiae cathedralis  
Solodori**  
I classis

Omnis de Communi Dedicationis.  
Pro commemoratione Dedicationis in II  
Vesperis praecedensis :

Ant. Sanctificávit Dóminus  
tabernáculum suum: quia haec est  
domus Dei, in qua invocábitur  
nomen eius, de quo scriptum est: Et  
erit nomen meum ibi, dicit  
Dóminus.

V. Haec est domus Dómini firmiter  
aedificáta. R. Bene fundáta es supra  
firmam petram.

Oratio

**D**eus, qui nobis per síngulos annos  
huius sancti templi tui  
consecratiónis réparas diem, et  
sacris semper mystériis repraeséntas  
incólumes: exáudi preces pópuli  
tui, et praesta; ut quisquis hoc  
templum beneficia petitúrus  
ingrédirit, cuncta se impetrásse  
laetétur. Per Dóminum.

**Ad Laudes**

V. Haec est domus.

Ad Bened. Ant. Zachaée, \* festinans  
descénde, quia hódie in domo tua  
opórtet me manére: at ille festinans  
descéndit et suscépit illum gaudens  
in domum suam. Hódie huic dómui  
salus a Deo facta est, allelúia.

**Ad Vespertas**

V. Domum tuam, Dómine, decent  
sanctitúdo. R. In longítudinem  
diérum.

Ad Magnif. Ant. O quam metuéndus  
est \* locus iste : vere non est hic  
áliud nisi domus Dei et porta caeli.

---

*Die 30 septemboris*

**Ss. Ursi, Victoris  
Et Sociorum**

Martyrum, Patronorum ecclesiae  
cathedralis et Patronorum  
principalium dioecesis Basileensis

I classis

Omnia de Communi plurimorum Martyrum  
praeterea, quae hic habentur propria.

Pro commemoratione ad II Vespertas  
Dedicationis S. Michaelis Archangeli.

Ant. O Christi Miles cum sóciis Urse  
laetáre, qui victis hóstibus palma  
fruéris vitae; clerum fove atque,  
iúbilans in áetheris arce, salva, rege,  
prótege, princeps Patróne,  
famulántes súpplices.

V. Laetámini in Dómino et  
exultáte, iusti. R. Et gloriámini  
omnes recti corde.

Oratio

**D**eus, qui hodiérnam diem  
beatórum Mártyrum tuórum Ursi et  
Victórí eorúmque Sociórum  
gloriósa passióne consecrásti:  
praesta, quaésumus: ut eórum  
suffrágia sentiámus in caelis,  
quorum pio amóre solémnia  
venerámur in terris. Per Dóminum.

**Ad Matutinum**

Invit. Regem Mártyrum Dóminum, \*  
Venite, adorémus. Ps. 94 Venite.

Hymnus

**C**hristo profúsum sanguinem,  
Et Mártyrum víctórias,  
Dignámque caelo láuream  
Laetis sequámur vóbibus.  
Terróre victo saéculi  
Poenisque spretis cóporis,  
Mortis sacrae compéndio  
Vitam beátam pósseident.  
Tradúntur igni Mártyres  
Et bestiárum déntibus ;  
Armáta saevit úngulis  
Tortóris insáni manus.  
Nudáta pendent viscera,  
Sanguis sacrátus fúnditur ;  
Sed pérmanent immóbiles,  
Vitae perénnis grátia.  
Te nunc, Redémpтор, quaésumus,  
Ut Mártyrum consórtio  
Iungas precántes sérvulos  
In sempitérna saécula.  
Amen.

In I Nocturno lectiones Fratres : Debitóres,  
de Communi.

**In II Nocturno**

Pater. Absol. Ipsius  
Bened. Deus Pater.

Lectio IV

**U**rsum et Victórem milites  
Romános exeúnte saéculo tértio in  
castro Solodoráno pro Christi  
nómine passos et in loco, ubi póstea  
sancti Petri sacéllum aedificátum  
est, sepúltos esse, antiquissima  
refert traditio. Quae póstea, litteris  
Euchérii episcopi Lugdunénsis  
téstibus, mágtyres sancti Mauriti

sóciis adscripsit. Cum  
Burgundórum domus régia  
speciálem erga sic dictos Mágtyres  
Thebáicos religiónem fovéret,  
Sedeléuba, regis filia, sancti  
Victóris reliquias Gebénnam  
transfére curávit. Tradítónis vero  
simula ac cultus monuméntum  
firmíssimum ecclésia collegiáta est,  
quam Karolingórum stirps régia  
saéculo octávo Solodóri fundávit.  
Quo sanctuário in ecclésiam  
cathédrálem eleváto, Ursus et Victor  
Dioecéseos Basileénsis  
Patroni facti sunt.

R. Sancti tui, Dómine, miráble  
consecuti sunt iter, serviéntes  
praecéptis tuis, ut inveniréntur  
illaési in aquis válidis : \* Terra  
appáruit árida : et in Mari Rubro via  
sine impedíménto. V. Quóniam  
percússit petram, et fluxérunt aquae,  
et torréntes inundavérunt. — Terra  
appáruit.

Bened. Christus perpétuae.  
Lectio V (De Communi Sermo S. Ionnis  
Chrysostomi)

**N**emo est qui nésciat, Mágtyrum  
glórias ad hoc divino consilio a Dei  
pópulis frequentári, ut et illis  
débitus honor dicéatur, et nobis  
virtútis exémpla, favénte Christo,  
monstréntur ; ut, dum haec ita  
celebrári perspicimus,  
cognoscámus, quanta eos glória  
máneat in caelis, quorum natalicia  
táliter celebrántur in terris ; quo  
possimus étiam ipsi tálibus  
provocári exémplis, virtúte pari,  
devotíone consimili ac fide ; ut,  
Christo praestánte, dimicáre et  
vincere hostem possimus, ut, parta

victória, cum iisdem Sanctis in regnis caeléstibus triumphémus.

R. Vérbera carníficum non timuérunt Sancti Dei, moriéntes pro Christi nómíne : \* Ut herédes fierent in domo Dómini. V. Tradidérunt córpora sua propter Deum ad supplicia. – Ut.

Bened. Ignem sui amoris.

Lectio VI

**Q**uis est enim, qui, eórum volens mérito copulári, nisi prius constántiam eórum téneat, sectétur fidem, imitétur virtútem passiónis; eórum glóriam páribus vitae lineaméntis aut invéniat aut exquírat? Qui etsi martýrio par esse non possit, tamen múnneris tanti dignitatē se quisque bonis áctibus dignum praebeat. Adest enim clementissimus Deus, qui desiderántibus suis aut martyrium praebeat, aut, sine martyrio, cum Sanctis praémia divina retribuat.

R. Tamquam aurum in fornáce probávit élertos Dóminus, et quasi holocáusti hóstiam accépit illos ; et in témpore erit respéctus illórum : \*

Quóniam donum et pax est eléctis Dei. V. Qui confidunt in illum, intéllegent veritátēm : et fidéles in dilectione acquiéscēt illi. –

Quóniam Glória Patri. Quóniam.

### In III Nocturno

Pater. Absol. A. vinculis  
Bened. Evangélica léctio.

Léctio sancti Evangélii secúndum  
Lucam

Lectio VII Cap. 21, 9-19

**I**n illo témpore : Dixit Iesus discípulis suis : Cum audiéritis

praélia et sedítionēs, nolite terréri ; opórtet primum haec fieri, sed nondum statim finis. Et réliqua.

Homilía sancti Gregorii Papae  
Hom. 35 in Evang. med.

**O**mnia, quae ad usum vitae accépimus, ad usum convértimus culpae; sed cuncta, quae ad usum pravitatis infléximus, ad usum nobis vertúntur ultiónis. Tranquillitatēm quippe humánae pacis ad usum véritimus vanae securitatis. Peregrinatióne terrae pro habitatióne dilígimus pátriae. Salútem córporum redígimus in usum vitiórum. Ubertatis abundántiam non ad necessitatēm carnis, sed ad perversitatēm intórsimus voluptatis. Ipsa seréna blandiménta aéris ad amórem nobis servire coégitus terrénae delectatiónis. Iure ergo restat, ut simul nos ómnia fériant, quae simul ómnia vitiis nostris male subácta serviébant : ut quot prius in mundo incólumes habuimus gáudia, tot de ipso póstmodum cogámur sentire torménta.

R. Propter testaméntum Dómini, et leges patérnas, Sancti Dei perstiterunt in amóre fraternitatis : \* Quia unus fuit semper spíritus in eis et una fides. V. Ecce quam bonum, et quam iucundum habitare fratres in unum. – Quia.

Bened. Quorum festum... ipsi  
Lectio VIII

**Q**ui autem cuncta haec non de iniustitia feriéntis sunt, sed de mérito mundi patiéntis, facta pravórum hóminum praemittúntur, cum dícitur: Sed ante haec ómnia

incipient vobis manus suas inícere, et persequéntur, et tradent vos in synagógis, ducéntes ad reges, et praésides propter nomen meum. Ac si apérte dicat: prius corda hóminum, et post eleménta turbántur; ut cum rerum ordo confunditur, ex qua iam retributiōne véniat, demonstrétur. Nam quamvis finis mundi ex ipso suo órdine péndeat, perversiores tamen quoque invéniens quia digne ruínis illius opprimántur, innotéscit.

R. Sancti mei, qui in carne pósiti, certámen habuistis; \* Mercédem labóris ego reddam vobis. V. Veníte benedícti Patris mei, percípite regnum. – Mercédem. Glória Patri. Mercédem.

Bened. Ad societátēm.

#### Lectio IX

Sed audítis tot terróribus turbári póterant infirmórum corda: atque ideo consolatió adiúngitur, cum prótinus subinfératur: Pónite ergo in córdibus vestris, non praemeditári quemádmodum respondeáti; ego enim dabo vobis os et sapiéntiam, cui non póterunt resistere et contradícere omnes adversárii vestri. Ac si apérte membris suis infirmántibus dicat: Nolite terréri, nolite pertiméscere; vos ad certámen accéditis, sed ego próelior; vos verba éditis, sed ego sum, qui loquor.

Te Deum laudámus.

**Ad Laudes**  
Et per Horas minores

Ant. I Omnes sancti, \* quanta passi sunt torménta, ut secúri pervenírent ad palmam martyrii!  
Psalmi de dominica.

2 Cum palma \* ad regna pervenérunt sancti, corónas decórís meruérunt de manu Dei.

3 Córpora sanctórum \* in pace sepulta sunt: et vivent nómina eórum in aetérnum.

4 Mártyres Dómini, \* Dóminum benédícite in aetérnum.

5 Mártyrum chorus, \* laudáte Dóminum de caelis, allelúa.

Capitulum Hebr. 11,33

**S**ancti per fidem vicérunt regna, operáti sunt iustítiā, adépti sunt repromissiōnes in Christo Iesu Dómino nostro.

#### Hymnus

**P**iórum sacra Mártyrum Solémnitas iam émicat,  
Qui mundi spreto príncipe  
Beáta regna póssident.  
Caeléstī fulti gráttia  
Sprevérunt mundi gáudia  
Afflícti poenis grávibus  
Se praebuére gládiis.  
Adúrit tortor ímpius  
Sanctórum artus ígnibus;  
Cruóre fuso viscerum  
Sumpsérunt palmas glóriæ.  
Sanctórum ergo précibus  
Precémur omnes Dóminum,  
Ut nobis donet véniā  
Necnon caelórum gáudia.  
Sit laus Patri cum Filio  
Et Spíritu Paráclito,  
Tibíque, sancta Trínitas,  
Nunc et per omnes saéculum.  
Amen.

V. Exsultábunt sancti in glória. R.  
Laetabúntur in cubílibus suis.  
Ad Bened. Ant. Martýribus sanctis  
Urso et Victóri \* ánnua demus  
praecónia, quorum méritis nobis  
obvéniant caélis gáudia.

Oratio

**D**eus, qui hodiérnam diem  
beatórum Mártirum tuórum Ursi et  
Victoris eorúmque Sociórum  
gloriósa passióne consecrásti :  
praesta, quaésumus ; ut eórum  
suffrágia apud te sentiámus in  
caelis, quorum pio amóre solémnia  
venerámur in terris. Per Dóminum.

Ad Horas minores, psalmi de dominica ; ad  
Primam tamen ut in festis.

Ad Primam

Ant. Omnes Sancti, \* quanta passi  
sunt torménta, ut secúri pervenírent  
ad palmam martyrii !

Ad Tertiam

Ant. Cum palma \* ad regna  
pervenérunt Sancti, corónas décoris  
meruérunt de manu Dei.

Capitulum Hebr. 11,33

**S**ancti per fidem vicérunt regna,  
operáti sunt iustítiam, adépti sunt  
repromissiónes in Christo Iesu  
Dómino nostro.

R. br. Laetámini in Dómino, \* Et  
exsultáte iusti. Laetáminni. V. Et  
gloriámini omnes recti corde. Et.  
Glória Patri. Laetámini.

V. Exsúltent iusti in conspéctu Dei.  
R. Et delecténtur in laetitia.

Ad Sextam

Ant. Córpora Sanctórum \* \* in pace  
sepulta sunt; et vivent nómina  
eórum in aeternum.

Capitulum  
Hebr. 11, 36-37

**S**ancti ludíbria et vérbera expérti,  
insuper et vincula et cárceres :  
lapidáti sunt, secti sunt, tentáti sunt  
in occisióne gládii mórtui sunt.

R. br. Exsúltent iusti \* In conspéctu  
Dei. Exsúltent. V. Et delecténtur in  
laetitia. In Glória Patri. Exsúltent.  
V. Iusti autem in perpétuum vivent.  
R. Et apud Dóminum est merces  
eórum.

Ad Nonam

Ant. Mártyrum chorus, \* laudáte  
Dóminum de caelis, alleluia.

Capitulum Sap. 3,6

**T**amquam aurum in fornáce  
probávit Dóminus sanctos suos, et  
quasi holocáusti hóstiam accépit  
illos, et in témpore erit respéctus  
illórum.

R. br. Iusti autem \* In perpétuum  
vivent. Iusti. V. Et apud Dóminum  
est merces eórum. In. Glória Patri.  
Iusti.

V. Exsultábunt sancti in glória. R.  
Laetabúntur in cubilibus suis.

Ad II vesperas

Antiphonae et psalmi de Communi  
plurimorum Martyrum.

Capit. Sancti perf idem, ut supra.

Hymnus

**S**anctórum méritis íclita gáudia

Pangámus sócii, géstaque fórtia :  
Gliscens fert ánimus prómere  
cántibus  
Victórum genus óptimum.

Hi sunt, quos fátue mundus  
abhórruit :  
Hunc fructu vácum, flóribus  
áridum,  
Contempsére tui nóminis ásseclae,  
Iesu Rex bone Caelitum.  
Hi pro te fúrias, atque minas truces  
Calcárunt hóminum, sáevaque  
vérbera :  
His cessit lácerans fórtiter úngula,  
Nec carpsit penetrália.

Caedúntur gládiis more bidéntium:  
Non murmur résonat, non  
querimónia ;  
Sed corde impávido mens bene  
cónscia  
Consérvat patiéntiam.

Quae vox, quae póterit lingua  
retéxere,  
Quae tu Martýribus mónera  
práeparas ?  
Rubri nam flúdo ságine fúlgidis  
Cingunt témpora láureis.

Te summa o Déitas, únaque  
póscimus ;  
Ut culpas ábigas, nóxia súbtrahas,  
Des pacem fámulis, ut tibi glóriam  
Annórum in sériem canant.

Amen.

V. Exsultábunt sancti in glória. R.  
Laetabúntur in cubilibus suis.  
Ad Magnif. Ant. Insígnes Mártyres  
Christi, Victor et Urse, servórum  
vota vestrórum suscípite,  
quaésumus, et in conspéctu aetérni

regis offerte, pétimus, ut nobis sit  
propítius.

Oratio

Deus, qui hodiénam diem  
beatórum Mártyrum tuórum Ursi et  
Victoris eorúmque Sociórum  
gloriósa passióne consecrásti :  
praesta, quaésumus ; ut eórum  
suffrágia apud te sentiámus in  
caelis, quorum pio amóre solémnia  
venerámur in terris. Per Dóminum.

Completorium de dominica.

---

#### FESTA OCTOBRIS

*Die 1 octobris*

**S.Hieronymi**

Presbyteri, Confessoris et Ecclesiae  
Doctoris

III classis  
(e die 30 septembbris)

cum com. S. Remigii Episcopi et Confessoris  
(hac die).

---

*Die 2 octobris*

**S. Leodegarii**

Episcopi et Martyris  
Commemoratio

**Ad Laudes**

Ant. Qui odit ánimam suam in hoc mundo, in vitam aetérnam custódit eam.

V. Iustus ut palma florébit. R. Sicut cedrus Líbani multiplicábitur.

Oratio

**P**reces pópuli tui, quaésumus, Dómine, cleménter exáudi : ut beátí Leodegárii Mártiris tui atque Pontíficis méritis adiuvémur, cuius passióne laetámur. Per Dóminum.

---

*Die 16 octobris*

**S. Galli**  
Abbatis

III classis

**Ad Matutinum**  
Bened. Ad societátem.

Lectio III

**G**allus, Scotus origine, circa annum quingentésimum quinquagésinum natus, Columbáno duce in monastério Benchorénsi institútus et ob ingénii facultátes sacerdótio praéditus est. Humilitátis stúdio addúcitus, magístrum sequens e pátria discéssit et illum primum in Francórum regnum proficiscéntem, deínde e Luxoviénsi monastério pulsum ad Alemánnos prosecútus est. Postquam autem in régione vici, qui appellátur Tuggen, Evangélium praedicavérunt et fanis dissipándis paganórum ódium excitavérunt, Arbónam fugérunt, ubi Willimárus sacérdos eos hospitáliter accépit.

Quo suadénte ad Brigántiam consedérunt. Triénio ibi in praedicándo Evangélío consúmpto, Columbánus Bóbbium proféctus est. Gallus autem, morbo coáitus, apud Alemánnos remánsit. Willimári cura recreátus, in secrétam tunc vallem, per quam Steinach amnículus fluit, solitúdini se mandávit. Quam ne tum quidem relíquit, cum ei Episcipátus Constantiénsis et abbatia Luxoviénsis obláti sunt. Arbónae circa annum sescentésimum quadragésimum mórtuus est. Ex eius autem cella ad Steinach flúvium sita monastérium claríssimum Sancti Galli oríginem duxit.

Te Deum laudámus.

**Ad Laudes**

V. Iustum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fuisti fidélis, supra multa te constitúam ; intra in gáudium Dómini tui.

Oratio

**I**ntercéssio nos, quaésumus, Dómine, beáti Galli Abbátis comméndet : ut, quod nostris méritis non valémus, eius patrocinio assequámur.

Per Dóminum.

Et fit commemoratio S. Hedwigis Viduae : Ant. Date ei de fructu mánuum suárum, et laudent eam in portis ópera eus.

V. Diffusa est grátia in lábiis tuis. R.  
Propterea benedixit te Deus in  
aetérnum.

Oratio

Deus, qui beátam Hedwigen a  
saéculi pompa ad húmilem tuae  
crucis sequélam toto corde transíre  
docuísti : concéde ; ut eius méritis  
et exémplo discámus períturas  
mundi calcáre delícias, et in  
ampléxu tuae crucis ómnia nobis  
adversántia superáre : Qui vivis.

#### Ad Vesperas

V. Iustum dedúxit.

Ad. Magnif. Ant. Hic vir despíciens  
mundum \* et terréna, triúmphans,  
divítias caelo cóndidit ore, manu.

---

#### FESTA NOVEMBRIS

*Die 3 novembris*

#### S. Idae

Virginis

III classis

**Ad Matutinum**  
Bened. Ad societátēm

Lectio III (De Communi)

Quóniam hódie natális est Virginis,  
invítat nunc integrítatis amor, ut  
áliquid de virginítate dicámus ; ne  
véluti tránsitu quodam praestricta  
videátur, quea principális est virtus.  
Non enim ideo laudábilis virginatas,  
quia in Martýribus reperitur ; sed  
quia ipsa Mártires fáciat. Quis  
autem humáno eam possit ingénio

comprehéndere, quam nec natúra  
suis inclúsit lágibus ? aut quis  
naturáli voce complécit, quod supra  
usum natúrae sit ? E caelo  
accersívīt, quod imitarétur in terris.  
Nec immérito vivéndi sibi usum  
quaesívīt e caelo, quae Sponsum  
sibi invénit in caelo.

Te Deum laudámus.

#### Ad Laudes

V. Diffusa est grátia in lábiis tuis. R.  
Propterea benedixit te Deus in  
aetérnum.

Ad Bened. Ant. Símile est regnum  
caelórum \* hómini negotiatóri  
quaerénti bonas margaritas: invénta  
una pretióssa, dedit ómnia sua, et  
comparávit eam.

Oratio

Deus, qui beátam Idam sanctárum  
tuárum virginum collégio aggregáre  
dignátus es : tribue nobis,  
quaésimus ; ut eius précibus et  
méritis a culpis ómnibus expiémur,  
et tuae maiestátis consórctio  
perfruámur aetérno. Per Dóminum.

#### Ad Vesperas

V. Diffusa est grátia in lábiis tuis. R.  
Propterea benedixit te Deus in  
aetérnum.

Ad Magnif. Ant. Veni, sponsa  
Christi, \* áccipe corónam, quam tibi  
Dóminus praeparávit in aetérnum.

*Die 13 novembris*

#### S. Himerii

Confessoris

III classis

### Ad Matutinum

Bened. Ad societatem.

Lectio III

**H**imérius in vico Lugnez, non longe ab oppido Bruntrutáno, sicut refert traditio, natus est. Saéculo séptimo vel octávo, in Susíngae flúvii vallem venit, cuius primus Evangélii praeco dici méruit. Incolae, eius non obliti, pago circa túmulum oriundo Sancti Himérii nomen imposuerunt et saéculo undécimo prope Sancti Martini ecclésiam áleram eius memóriae dedicátam construxerunt, quae saéculo sequenti in collegiatam promóta eat. Cultus per peregrinos reliquiisque distribútis in vicinas et díssitas regíones propagátus, ubi nonnúllae ecclésiae et altária in eius honórem erécta sunt, dioecési Basileénsi custóde ad nostros usque dies pervénit.

Te Deum laudámus.

### Ad Laudes

V. Iustum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fuísti fidélis, supra multa te constitua; intra in gáudium Dómini tui.

Oratio

**D**eus, qui ómnia pro te relinquéntibus céntuplum in hoc saéculo, et in futúro aetérnam vitam promisisti: concéde, quaésumus; ut sancti Himérii Confessoris tui vestígii inhaeréntes, peritúra despiciámus et ad sola mansúra suspirémus. Per Dóminum.

vestígii inhaeréntes, peritúra despiciámus et ad sola mansúra suspirémus. Per Dóminum.

Et fit commemoratio S. Didaci Confessoris: Ant. Similábo eum viro sapiénti, qui aedificávit domum suam supra petram.

V. Amávit eum Dóminus, et ornávit eum. R. Stolam glóriæ induit eum.

Oratio

**O**mnípotens sempiterne Deus, qui dispositióne mirábili infírma mundi éligis, ut fórtia quaeque confúndas: concéde propítius humilitati nostrae; ut, piis beáti Dídaci Confessóris tui précibus, ad perénnum in caelis glóriam sublimári mereámur. Per Dóminum.

### Ad Vesperas

V. Iustum dedúxit.

Ad Magnif. Ant. Hic vir despíciens mundum \* et terréna, triúmphans, divítias caelo cóndidit ore, manu.

Oratio

**D**eus, qui ómnia pro te relinquéntibus céntuplum in hoc saéculo, et in futúro aetérnam vitam promisisti: concéde, quaésumus; ut sancti Himérii Confessoris tui vestígii inhaeréntes, peritúra despiciámus et ad sola mansúra suspirémus. Per Dóminum.

*Die 16 novembris*

**S. Otmari**  
Abbatis S. Galli

III classis

**Ad Matutinum**

Bened. Ad societatem.

Lectio III

**O**tmárus, origine Alamánnus, saéculo exéunte séptimo haud procul ab eo, quo póstea vixit, loco natus esse vidétur. Cúriae Rhaetórum, quo iam puer delátus erat, ad sacerdótium institútus, eo múnere ad ecclésiam sancti Floríni primum fungebátur. Cellam sancti Galli, cui praeésse vocátus est, ad dignitatétem et amplitudinem monastérii prodúxit eiusdémque ergo fundátor éxstitit. Quo abbáte régula sancti Benedícti, Pippíno rege Francórum cogénte, recépta est. Otmárus cum monastérii sui iura possessionésque a Sidónio, epíscopo Constantiénsi, comitibúsque Waríno et Ruthárdo vindicáret, adversáriis potentíoribus succúmbens ab abbatia depósitus et eódem anno septingentésimo undesexagésimo in insula Werd, quo deportátus erat, mórtuus est.  
Te Deum laudámus.

**Ad Laudes**

V. Iustum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fuísti fidélis, supra multa te constitúam; intra in gáudium Dómini tui.

Oratio

**I**ntercéssio nos, quaésumus, Dómine, beáti Otmári Abbátis comméndet: ut, quod nostris méritis non valémus, eius patrocínio assequámur. Per Dóminum.

Et fit commemoratio S. Gertrudis Virginis.

Ant. Símile est regnum caelórum hómini negotiatóri quaerénti bonas margarítas; invénta una pretiosa, dedit ómnia sua et comparávit eam. V. Diffusa est grátia in lábiis tuis. R. Proptérea benedíxit te Deus in aetérnum.

Oratio

**D**eus, qui in corde béatae Gertrúdis Virginis iucúndam tibi mansiónem praeparásti: ipsius méritis et intercessióne; cordis nostri máculas cleménter abstérge, et eiúsdem tribue gaudére consórto. Per Dóminum.

**Ad Vesperas**

V. Iustum dedúxit.

Ad Magnif. Ant. Hic vir despíciens mundum \* et terréna, triúmphans, dixitias caelo cóndidit ore, manu.

Oratio

Intercéssio, ut supra

*Die 26 novembris*

**S. Conradi**  
Episcopi  
Constantiensis  
Et Confessoris

III classis

**Ad Matutinum**

Bened. Ad societatem.

Lectio III

**C**onrádus, saéculo décimo Henrico cómiti Altorffiénsi natus, aequa géneris ac ingéniu clarité praéditus, Nothíngó magístro in múnere episcopáli Ecclésiae Constantiénsis fungéndo succéssit. Cui amplíssimae dioecésium Germániae "formam se gregis ex ánimo" praestans plus quadragínta annis praéerat. Quanto Dei animarúmque salútis zelo flagráverit, ex eo colligi licet, quod ecclésias faciéndas curávit, semel atque íterum in Terram Sanctam migrábat, paupéribus próvidens ásylum ádvenis peregrinantibúsque aedificare iussit. Conrádus, cum anno nongentésimo septuagésimo quinto mortuus esset, patrónus dioecésis Constantiénsis electus est, qua dignitaté gregi suo ultro consúleret. In primo Concilio Lateranénsi Conrádus Sanctórum catálogo inscríptus est.  
Te Deum laudámus.

**Ad Laudes**

V. Iustum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fuísti fidélis, supra multa te constitúam, dicit Dóminus.

Oratio

**E**xáudi, quaésumus, Dómine, preces nostras, quas in beáti

Conrádi Confessóris tui atque Pontíficis sollemitaté deférimus : et qui tibi digne mérit famlári, eius intercedéntibus méritis ab ómnibus nos absólve peccátis. Per Dóminum.

Et fit commemoratio S. Silvestri Abbatis :

Ant. Similábo eum viro sapiénti, qui aedificávit domum suam supra petram.

V. Amávit eum Dóminus et ornávit eum. R. Stolam glóriae índuit eum.

Oratio

**C**lementíssime Deus, qui sanctum Silvéstrum Abbátem saéculi huius vanitatem in apérto túmulo pie medítántem ad erémum vocáre, et praecláre vitae méritis décorare dignátus es : te súpplices exorámus ; ut eius exémplo terréna despiciéntes, tui consórtio perfruámur aetérno. (Per Dóminum.)

Deinde commemoratio S. Petri Alexandrini Episcopi et Martyris :

Ant. Qui odit ániam suam in hoc mundo, in vitam aetérnam custódit eam.

V. Iustum ut palma florébit. R. Sicut cedrus Líbani multiplicábitur.

Oratio

**I**nfirmitaté nostram respice, omnípotens Deus : et quia pondus própriae actiúnis gravat, beáti Petri Mártýris tui atque Pontificis intercéssio gloriósa nos prótegat. Per Dóminum.

**Ad Vesperas**

V. Iustum dedúxit Dóminus per vias rectas. R. Et osténdit illi regnum Dei.

Ad Magnif. Ant. Amávit eum Dóminus, \* et ornávit eum : stolam glóriae índuit eum, et ad portas paradísi coronávit eum.

Oratio

Exáudi, quaésumus, ut supra.

#### ADDIMENTA

*Die 22 iulii*

In pago Thurgoviensi et Schaffhusensi

#### In Dedicatione Propriæ ecclesiae I classis

Omnia de Communi Dedicationis.

#### Ad I Vespertas

V. Haec est domus Dómini firmiter aedificáta. R. Bene fundáta est supra firmam petram.

Ad Magnif. Ant. Sanctificávit Dóminus \* tabernáculum suum: quia haec est domus Dei, in qua invocábitur nomen eius, de quo scriptum est : Et erit nomen meum ibi, dicit Dóminus.

Oratio

Deus, qui nobis per síngulos annos huius sancti templi tui consecratiónis réparas diem, et sacris semper mystériis repraeséntas incólumes : exáudi preces pópuli

tui, et praesta ; ut, quisquis hoc templum benefícia petiturus ingréditur, cuncta se impetrásse laetetur. Per Dóminum.

#### Ad Laudes

V. Haec est domus.

Ad Bened. Ant. Zachaée, \* festínans descénde, quia hódie in domo tua opórtet me manére. At ille festinans descéndit, et suscépit illum gaudens in domum suam. Hódie huic dómui salus a Deo facta est, alleluia.

#### Ad II Vespertas

V. Domum tuam, Dómine, decet sanctítudo. R. In longítudinem diérum.

Ad Magnif. Ant. O quam metuéndus est \* locus iste: vere non est hic áliud, nisi domus Dei et porta caeli.

*Die 5 augusti*

In pago Tugiensi

#### S. Oswaldi

Martyris, Patroni civitatis Tugiensis  
I classis

Omnia de Communi unius Martyris, praeter ea quae hic habentur propria

#### Ad I Vespertas

V. Glória et honóre coronásti eum, Dómine. R. Et constitúisti eum super ópera mánuum tuárum.

Ad Magnif. Ant. Iste Sanctus \* pro lege Dei sui certávit usque ad mortem, et a verbis impiórum non tímuit ; fundátus enim erat supra firmam petram.

Oratio

**O**mnipotens sempiterne Deus, qui huius diéi iucundam sanctamque laetitiam in beati Oswaldi Regis martyrio consecrásti : da cordibus nostris tuae caritatis augmentum ; ut cuius gloriosum fidei certamen admirámur, constantiam usque ad mortem imitemur. Per Dominum.

**Ad Matutinum**

In I Nocturno lectiones **Fratres : Debitores**, de Communi plurimorum Martyrum cum responsoriis de Communi unius Martyris.

**In II Nocturno**

Pater. Absol Ipsius.  
Bened. Deus Pater.

**Lectio IV**

**O**swaldus Ethelfrithi, Northumbriae regis filius, circa annum sescentesimum quintum natus est. Patre in proelio cum Britannis inito occiso regnoque ab usurpatore sublato, una cum fratre in Scotiam fugit, ubi ab Ionensis monachis in fide christiana eruditus et baptizatus est. Anno sescentesimo tricessimo quarto, post Cadwallae Britannorum regis mortem, regnum recuperavit, atque non solum Northumbriae potestatem, sed et praeminente apud alias Britanniae provincias auctoritatem obtinuit.

R. Honustum fecit illum Dominus, et custodivit eum ab inimicis, et a seductoribus tutavit illum \* Et dedit illi claritatem aeternam. V. Descenditque cum illo in foveam : et in vinculis non dereliquit eum. — Et.

Bened. Christus perpetuae

**Lectio V**

**P**otestate sua usus est, ut Christifidem inter regni subditos propagaret. Itaque a monastério Ionensi missionários arcessivit, qui, Aidano duce, paulatim totam Northumbriam Christo lucifecérunt. Evangélii praedicationem autem Oswaldus vita exemplári, imprimis clementia beneficentiáque sua, haud parum adiúvit et in provincias vicinas diffidit.

R. Dediterium animae eius tribuisti ei, Domine, \* Et voluntate labiorum eius non fraudastieum. V. Quóniam praevenisti eum in benedictionibus dulcē-

Dinis ; posuisti in capite eius corónam de lápide pretioso. — Et.

Bened. Ignem sui amoris.

**Lectio VI**

**B**ello suscitato contra Pendam, Merciorum regem, Oswaldus anno sescentesimo quadragésimo secundo pugnans cecidit. Statim post eius mortem, cultus eius in Britannia exortus est. Quem cultum aposto-

Li, qui a Britannia ad Germanorum gentes convértendas venérunt, simul cum Evangelio patfecérunt, ita ut Oswaldus inter Sanctos populo gratissimos et eius vita magnopere evulgata esset. Sanctum Oswaldum, ut aliae multae, et Tugiensis civitas patrónum caeléstem éligit eique saeculo décimo quinto sanctuariū insigne dedicavit.

R. Stola lucunditatis induit eum Dominus : \* Et corónam pulchritudinis posuit supercapiteius. V. Cibavit illum

Dóminus pane vitae et intelléctus :  
et aqua sapiéntiae salutáris potávit  
illum. – Et. Glória Patri. Et.

In III Nocturno homilia in Evangelium Si  
quis venit de Communi unius Martxrís I loco.

#### Ad Laudes

V. Iustus ut palma Florébit. R. Sicut  
cedrus  
Libani multiplicábitur.  
Ad. Bened. Ant. Qui odit \* ánimam  
suam in hoc mundo, in vitam  
aetérnam custódit eam.

#### Oratio

**O**mnipotens semper térne Deus, qui  
huius diéi iucundam sanctámque  
laetitiam in beáti Oswálidi Regis  
martyrio consecrásti : da córdibus  
nostris tuae caritatis augmémentum, ut  
cuius glóriosum fidei certámen  
admirámur, constántiam usque ad  
mortem imitémur. Per Dóminum.

#### Ad II Vespertas

V. Iustus ut palma florébit.  
R. Sicut cedrus Libani  
Multiplicábitur.  
Ad Magnif. Ant. Qui vult venire  
post me, \* ábneget semetipsum, et  
tollat crucem suam et sequátur me.

*Die 22 septembbris*  
In civitate Lucerna

**S. Mauriti**  
**Et Sociorum**  
Martyrum  
Patronorum civitatis  
Lucernae  
I classis

Omnia de Communi plurimorum Martyrum,  
praeter ea, quae hic habentur propria.

#### Ad I Vespertas

V. Laetámini in Dómino et  
exsultáte, iusti. R. Et gló-  
Riámini omnes recti corde.  
Ad Magnif. Ant. Istórum est enim \*  
regnum caelórum, qui  
contempserunt vitam mundi, et  
pervenérunt ad praémia regni, et  
lavérunt stolas suas in sanguine  
Agni.

#### Oratio

**A**nnue, quaésumus, omnipotens  
Deus : ut sanctórum Mártirum  
tuórum Mauritii et Sociórum eius  
nos laetificet festiva sllémnitas ; ut  
quorum suffrágis nitimur, eórum  
nataliciis gloriémur. Per Dóminum.

#### Ad Matutinum

In I Nocturno lectiones Fratres : Debitóres,  
de Communi.

#### In II Nocturno

Pater. Absol. Ipsuis.  
Bened. Deus Pater.  
Ex Epistola sancti Euchérii Episcopi  
ad Sálvium Episcopum

#### Lectio

**S**ub Maximiáno, qui Románae  
reipública cum Diocletiámo  
colléga impérium tenuit, per  
duvéras fere provincias laniáti aut  
interfécti sunt mártires pópuli...  
Erat eius in exércitus légio militum,  
qui Thebaéi ap-  
Pellabántur... Itaque, cum

Hi, sicut et céteri militum, ad pertrahéndam Christianórum multitúdi-

Nem destinaréntur, soli crudelitatis ministérium detrectare aussi sunt, atque huiusmodi praecéptis se obtemperaturos negant. Eo cōgnito, Maximiámus, qui se circa Octodúrum itinere fessus tenébat, praecipiti ira férvidus Agáunum mittit, ubi octávo ab Octodúro milliário inter alpina iuga conséderant, et décimum quemque ob neglēcta impéria gládio feriri iubet ; redintegratis-

Que mandátis edicit, ut réliqui in persecutiónen Christianórum cogántur.

Ubi ad Thebaeos denuntiá  
To iteráta pervénit, vocife-

Ráatio passim in castris exóritur affirmántium numquam se ulli in haec tam sacrilega ministéria cessúros... His compértis, Maximiánus imperat, ut iterum décimus eórum morti detur, et céteri nihilóminus ad ea, quae spréverant, compelleréntur. Quibus iussis dénuo in castra perlátis, segregátus est atque percússus qui décimus sorte obvénérat; réliqua vero se militum multitúdo mútuo sermóne instigábatur, ut in tam praecláro ópere persisterent.

R. Sancti tui, Dómine, mirábile consecúti sunt iter, serviéntes praecéptis

Tuis, ut inveniréntur illaési in aquis válidis : \* Terra appáruit árida, et in Mari Rubro via sine impediménto. V. Quóniam percússit petram, et

fluxérunt aquae, et torréntes inundavérunt. – Terra.

Bened. Christus perpétuae

Lectio V

**I**ncitaméntum máximum fidei penes sanctum Mauritium fuit, primicérium tunc legióni, qui cum Exupério campi-

Ductóre et Cándido senatóre militum accendébat, exhortándo singulos et moméndo fidem... His itaque primóribus suis atque auctóribus animáti, Maximiáno mandáta mittunt, sicut pia, ita et fórtia, in hunc modum : Milites sumus, imperátor, tui sed tamen servi, quod libere confitémur, Dei : tibi militiam debémus, illi innocéntiam...Sequi te imperatórem in hoc nequáquam póssumus, ut auctórem negénus, Deum útique autórem nostrum, Dóminum auctórem, velis nolis, et tuum...Et nunc non nos vel haec última vitae necéssitas in rebellionem coégit, non nos advérsum te, imperátor, armávit, ipsa saltem, quae fortissima est in periculis, desperáto. Tenémus ecce arma, et non resistimus : quia mori quam occidere satis málumus, et innocéntes interire quam nójii vivere peroptámus. Si quid in nos ultra statúeris, si quid adhuc iússeris, si admóveris ignes, torménta, ferrum, subire paráti sumus, Christiános nos fatémur, pérsequi Christiános non póssumus. R. Vérbera carnificum non timuérunt Sancti Dei, moriéntes pro Christi nómine : \* Ut herédes fierent in domo Dómini. V

Tradidérunt córpora sua propter  
Deum ad supplicia. – Ut.

Bened. Ignem sui amória

Lctio VI

**C**um haec tália Maxi-

Miámus audisset, obstinatósque in fide Christi céneret eórum ánimos, despérans gloriósam eórum constántiam posse revocári, una senténtia omnes intérfici degrévit, et rem cónfici circumfúsis militum agminibus iubet. Qui cum missi ad beatissimam légionem venissent, stringunt in Sanctos impíum ferrum mori non recusántes vitae amóre, sed depósitis armis, cervices persecutóribus et iugulum vel intéctum corpus offeréntes. Non vel ipsa suórum multitúdine, non armórum munitióne eláti sunt, ut ferro conaréntur assérere iustitiae causam ;

Sed hoc solum reminiscéntes, se illum confitri, qui nec reclamándo ad occisiónem ductus est, et tamquam agnus non opéruit os suum, ipsi quoque tamquam grex Dominicárum óvium, laniári se tamquam ab irruéntibus lupis passi sunt. Sic interfécta est illa plane angélica légio.

R. Tamquam aurum in fornáce probávit électos Dóminus, et quasi holocáusti hóstiam accépit illos : et in témpore erit respéctus illórum : \* Quóniam donum et pax est electis Dei. V. Qui confidunt in illum, intéllgent veritátem : et fidéles in diléctione acqui-  
Éscent illi. – Quóniam. Glória Patri.  
Quóniam.

In III Nocturno homilia in Evangelium Cum audiéritis. De Communi I loco.

**Ad Laudes**

V. Exsultábunt sancti in glória. R.  
Laetabúntur in cubilibus suis.

Ad Bened. Ant. Vestri capilli cápitis  
\* omnes numeráti sunt : nolite  
timére : multis passéribus melióres  
estis vos.

Oratio

**A**nnue, quaésumus omnipotens Deus : ut sanctórum Mártirum tuórum Mauritii et Sociórum eius nos laetificet festiva solémnitas ; ut quorum suffrágiis nitimur, eórum nataliciis gloriémur. Per Dóminum nostrum Iesum Christum Fillium tuum : qui tecum vivit et regnat in unitáte Spiritus Sancti, Deus : per ómnia saécula saeculórum.

**Ad II Vespertas**

V. Exsultábunt sancti in glória. R.  
Laetabúntur in cubilibus suis.

Ad Magnif. Ant. Gaudent in caelis \*  
ánimae Sanctórum, qui Christi  
vestigia sunt secúli : et quia pro eius  
amóre sanguinem suum fudérunt,  
ideo cum Christo exsúltant sine  
fine.

*Die 2 octobris*

In pago Lucernensi

**S. Leodegarii**  
Episcopi et Martyris  
Patroni civitatis  
Lucernensis

I classis

est ut fáceret uvam, fecit autem spinas ?

R. Hic est vere Martyr, qui pro Christi nómíne sanguinem suum fudit : \* Qui minas iúdicum non timuit, nec terrénae dignitatis glóriam quaesivit, sed ad caeléstia regna pervénit. V. Iustum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Bened. Ad societátēm.

#### Lectio I

**E**go sum, inquit, vitis vera, et Pater meus agricola est. Numquid unum sunt agricola et vitis ? Christus, secúndum quod ait : Pater maior me est. Secúndum autem id, quod ait : Ego et Pater unum sumus ; et ipse agricola est ; nec talis, quales sunt, qui extrinsecus operánto exhibent ministérium ; sed talis, ut det étiam intrinsecus incremémentum. Nam, neque qui plantat, est áliquid, neque qui rigat ; sed, qui incremémentum dat, Deus. Sed útique Deus est Christus, quia Deus erat Verbum ; unde ipse et Pater unum sunt. Et, si Verbum caro factum est, quod non erat, manet quod erat.

Te Deum laudámus.

#### Ad Laudes

V. Iustus ut palma florébit. R. Sicut cedrus Libani multiplicábitur.

Ad Bened. Ant. Qui odit \* ániam suam in hoc mundo, in vitam aetérnam custódit eam.

Oratio

**P**reces pópuli tui, quaésumus, Dómine, cleménter exáudi : ut beáti

Leodegárii Mártyris tui atque Pontificis méritis adiuvémur, cuius passióne laetámur. Per Dóminum.

#### Ad II Vespertas

V. Iustus ut palma florébit. R. Sicut cedrus Libani multiplicábitur.

Ad Magniff. Ant. Qui vult post me, \* ábneget semetipsum, et tollat crucem suam, et sequátur me.

---

*Die 5 octobris*

In pago Lucernensi

#### Ss. Angelorum Custodum

III classis

(e die 2 octobris)

cum com. Ss. Placidi et Sociorum Martyrum, ut in Breviario hac die.

---

*Die 10 octobris*

In pago Lucernensi

---

*Die 15 octobris*

In pago Argoviensi

*Die 12 novembris*

In pagis Basileensi,  
Bermensi et Solodorensi

#### In Dedicatione Ecclesiae propriae

I classis

Omnia de Communi Dedicationis Ecclesiae.

#### Ad I Vespertas

V. Haec est domus Dómini firmiter  
aedificáta. R. Bene fundáta. Est  
supra firmam petram.

Ad Magnif. Ant. Sanctificávit  
Dóminus \* tabernáculum suum: qui  
haec est domus Dei, in qua  
invocábitur nomen eius, de quo  
scriptum est : Et erit nomen meum  
ibi, dicit Dóminus.

Oratio

Deus, qui nobis per singulos annos  
huius sancti templi tui  
consecratíonis réparas diem, et  
sacris semper mystériis repraeséntas  
incólumes : exáudi preces pópuli  
tui, et praesta ; ut, quisquis hoc  
templum beneficia petitúrus  
ingréditur, cuncta se impetrásse  
laetétur. Per Dóminum nostrum.

**Ad Laudes**

V. Haec est domus Dómini firmiter  
aedificáta. R. Bene fundáta est  
supra firman petram.

Ad Bened. Ant. Zachaée, \* festinans  
descénde, quia hódie in domo tua  
opórtet me manére. A tille festinans  
descéndit, et suscépit illum gaudens  
in domum suam. Hódie huic dómui  
salus a Deo facta est, allelúia.

**Ad II Vespertas**

V. Domum tua, Dómine, decet  
sanctitúdo. R. In longítudinem  
diérum.

Ad Magnif. Ant. O. quam  
metuéndus est \* locus iste: vere non  
est hic állud, nisi domus Dei et  
porta caeli.

Omnia de Communi unius Martyris, praeter ea, quae hic habentur propria.

#### Ad I Vespertas

V. Glória et honore coronasti eum, Dómine. R. Et constituisti eum super opera manuum tuarum.

Ad Magnif. Ant. Iste Sanctus \* pro lege Dei sui certavit usque ad mortem, et a verbis impiorum non timuit; fundatus enim erat supra firmam petram.

#### Oratio

Preces populi tui, quaesumus, Dómine, clementer exaudi: ut beati Leodegárii Mártiris tui atque Pontificis méritis adiuvémur, cuius passione leatámur. Per Dóminum.

#### Ad Matutinum

In I Nocturno lectiones A. Miléto, de Communi.

#### In II Nocturno

Pater. Absol. Ipsius.  
Bened. Deus Pater.

#### Lectio IV

Leodegárius, ineunte saeculo septimo in Francó

Rum regno ex nobili stirpe natus, a Didóne, Pictaviénsum episcopo, avunculo suo, ad eius dioecésim moderámdam adhibitus est. Monastério sancti Maxéntii uti abbas praefectus, consuetuddinibus suae aetatis se submittens, ad aulam régiam venit, ubi inter senatóres electus, Bathildim reginam in administrando regno adiuvit. Cuius reginae favor et aestimatio eum ad sedem Augustodunénsim promovit. Sui gregis salutem inténdens, id egit

ut, sýnodo convocata, ecclésiae disciplinam restitueret.

R. Hónestum fecit illum Dóminus, et custodivit eum ab inimicis, et a seductóribus tutávit illum: \* Et dedit illi claritatem aeternam. V. Descenditque cum illo in fóveam, et in vinculis non dereliquit eum. – Et.

Bened. Christus perpétuae

#### Lectio V

Francorum regnum eo tempore, rege quavis potestate carente, ab Ebroino, Maiore Domus, qui omnium iura ac libertates suppræssit, vexatum est. Leodegárius, pro sua auctoritate amoremque iustitiae, ab eorum concilio alienus non erat, qui tyrannum a regimine amovere conati sunt et adversarium vatum in monasterium Luxoviense includi coegerunt. Omnium fiducia gaudens, ad Maioris Domus dignitatem pro regni parte Burgundiaca ascendit, quo in munere iustitiam in aula régia defendit.

R. Desidérium animae eius tribuisti ei, Dómine,

\* Et voluntate labiorum eius non fraudasti eum. V. Quóniam praevenisti eum in benedictionibus dulcē-

dinis: posuisti in capite eius corónam de lápide pretioso. – Et.

Bened. Ignem sui amoris

#### Lectio VI

Childericus autem rex, consiliárium sóbrium

Paulatim fastidiens, eum coniuratiōnis accūsans in exsilium ire coēgit. Rege occiso, Leodegarius, sed et Ebroinus páriter, exsiliī locum reliquit. Qui, potestāte priōre recuperāta, ulciscéndi occasiōnem datam non praetermisit. Cōpiis missis, Leodegárius, ut gregi párceret, ultro se trádedit. Ebroinus non conténtus, quod adversárium óculis linguáque privávit, eum per servilium episcopórum tribúnal ab officio episcopáli remóvit et morte damnávit. — Cultus sancti Leodegárii, paulo post mortem exórsus, im-  
Primisque in Alsátia pro-  
Pagátus, ab abbatia  
Murbacénsi Lucérnam translátus est, ubi Leodegárius monastérii primum et deinde civitatis patrónus caeléstis factus est.  
R. Stola iucunditatis induit eum Dóminus : \* Et corónam pulchritúdinis pósuit supercaputeius. V. Cibávit illum Dóminus pane vitae et intelléctus : et aqua sapiéntiae salutáris potávit illum. — Et Glória Patri. Et.

### In III Nocturno

Pater. Absol. A vinculis.

Bened. Evangélīca léctio.

Lectio sancti Evangélii secúndum Ioánnem

Lectio VII Cap. 15, 1-7

In illo tempore: Dixit Iesus discipulis suis : Ego sum vitis vera, et Pater meus agricola est. Et réliqua.

Homilia sancti Augustini Episcopi Tract. 80 in S. Ioannem

Iste locus evangélicus, fratres, ubi se dicit Dóminus vitem et discipulos suos pálmites, secúndum hoc dicit, quod est caput Ecclésiae nosque membra eius, mediátor Dei et hóminum, homo Christus Iesus. Unius quippe natúrae sunt vitis et pálmites. Propter quod, cum esset Deus, cuius natúrae non sumus, factus est homo ut in illo esset vitis humána natúra, cuius et nos hómines pálmites esse possémus. R. Coróna áurea super caput eius, \* Expréssa signo sanctitatis, glória honórīs, et opus fortitúdinis. V. Quóniam praevenisti eum in benedictiōibus dulcédiñis Posuisti in cápite eius corónam de lápide pretiósō. — Expréssa.

Bened. Cuius festum.

### Lectio VIII

Quid ergo est, Ego sum vitis vera ? Numquid ut ádderet, vera, hoc ad eam vitem rétulit, unde ista si- Militúdo transláta est ? Sic Enim dicitur vitis per simi Litúdinem, non per proprietátem, quemámodum dicitur ovis, agnus, leo, petra, lapis anguláris, et cétera huiúsmodi ; quae magis ipsa sunt vera, ex quibus ducúntur istae similitúdines, non proprietátes. Sed cum dicit : Ego sum vitis vera, ab illa se útique discérrit, cui dicitur : Qómodo convérsa es in amritúdinem vitis aliéna ? Nam quo pacto est vitis vera, quae exspectáta

OFFICIA PROPRIA  
DIOECESIS BASILEENSIS  
FESTUM DECEMBRIS

*Die 3 decembris*

**S. Lucii**

Episcopi Curiensis  
Et Martyris

Commemoratio

### Ad Laudes

Ant. Qui odit ánimam suam in hoc mundo, in vitam aetérnam custódit eam.

V. Iustus ut palam florébit. R. Sicut cedrus Libani multiplicábitur.

Oratio

**D**eus, qui beátum Lúcium Mártyrem tuum atque Pontificem de terréno regno ad caeléstis regni glóriam transtulisti : eius, quaésumus, méritis et intercessióne, Regis regum, Iesu Christi, Filii tui, fáciás nos esse consórtes : Qui tcum vivit

V. Iustum dedúxit Dóminus per vias rectas. R. Et osténdit illi regnum Dei.

Oratio

**D**eus, qui pópolis tuis indulgentia cónsulis et amóre domináris, quique illis regéndis vicáros caritatis tuae ministros praeficis : da, quaésumus, intercedénte beáto Mário Confessóre tuo atque Pontifice, spiritum sapiéntiae, quibus dedisti praecésse Ecclésiae tuae ; ut de proféctu sanctárum óvium fiant gáudia aetérna pastórum. Per Dóminum.

---

*Die 21 ianuarii*

**S. Meinradi**  
Martyris

Commemoratio

### Ad Laudes

Ant. Eléctus Christi fámulus, propter lúcidam caeléstis regni pátriam, tenebrósam ingrédotur silvam, et vivam se Deo hóstiam óbtulit.

V. Iustus ut palma florébit. R. Sicut cedrus Libani multiplicábitur.

Oratio

**P**raesta, quaésumus, omnipotens Deus : ut qui beáti Meinrádi Mártiris tui natalicia cólimus ; intercessióne eius in tui nóminis amóre roborémur. Per Dóminum.

---

FESTA IANUARII

*Die 3 ianuarii*

**S. Marii**  
Episcopi  
Lausannensis  
Et Confessoris

Commemoratio

### Ad Laudes

Ant. Euge, serve bone et fidélis, quia in pauca, fuisti fidélis, supra multa te constituam, dicit Dóminus.

FESTUM  
FEBRUARII

*Die 21 februarii*

**Ss. Germani  
Et Randoaldi  
Martyrum**  
III classis

**Ad Matutinum**  
Bened. Ad societatem

Lectio III

**G**ermánus, Tréviris nóbili génere orortus, cum adoléscens totum se Deo dicáre cúperet, pátria bona saeculique honóres relinques, in solitúdinem primum secéssit. Monastérium Luxoviénsē subinde ingrüssus, singuláribus cordis ingeniique dótibus ita eniébat, ut Gualbértus abbas eum, sacerdótio auctum, frátribus novi monastérii in Grandi valle praeficeret. Quo múnere per virginti prope annos uti servus in minímo fidélis functus, se et in maióri fidélem probávit. Cum enim monastérii cliéntes necnon vallis Delemontánae incolae a Cáthico duce spoliaréntur diréque vexaréntur, Germánus una cum fratre Randálido isti occúrit, ut eum increpáret et a nefário incépto amovéret. Qua de causa, Cáthico instigánte, ambo redeúntes gládio percússi et sic, áimas pro óvibus ponéntes, anno sexcentésimo septuagésimo prope óppidum Delemontánum martyrii corónam adépti sunt.

Te Deum laudámus.

**Ad Laudes**

V. Exsultábunt sancti glória. R.  
Laetabúntur in cubilibus suis.  
Ad Bened. Ant. Vestri capilli cápitis  
\* omnes numeráti sunt : nolite  
timére : multis passéribus meliòres  
estis vos.

Oratio

**D**eus, pro cuius amóre sancti Mártyres Germánus et Randoáldus occubúerunt : praesta, quaésumus ; ut omnes, qui eórum implórant auxilium, petitiónis suae salutárem consequántur efféctum. Per Dóminum.

**Ad Vesperas**

V. Exsult'bunt.

Ad Magnif. Ant. Gaudent in caelis \* animae Sanctórum, qui Christi vestigia sunt secúti : et quia pro eius amóre sanguinem suum fudérunt, ideo cum Christo exsúltant sine fine.

Oratio

**D**eus, pro cuius amóre sancti Mártyres Germánus et Randoáldus occubúerunt : praesta, quaésumus ; ut omnes, qui eórum implórant auxilium, petitiónis suae salutárem consequántur efféctum. Per Dóminum.

FESTUM MARTII

*Die 6 martii*

**S. Fridolini**  
Confessoris  
Commemoratio

**Ad Laudes**

Ant. Euge, serve bone et fidélis,  
quia in pauca fuisti fidélis, supra  
multa te constituam; intra in  
gáudium Dómini tui.

V. Iustum dedúxit Dóminus per vias  
rectas. R. Et osténdit illi regnum  
Dei.

Oratio

**B**éati Confessóris et Sacerdótis tui  
Fridolini, quaésumus, Dómine,  
suppli-  
Catióne placátus: et véniam  
peccatórum nobis tribue; et  
remédia sempitérna concéde. Per  
Dóminum.

---

FESTUM APRILIS

*Die 19 aprilis*

**S. Leonis IX**  
Papae et Confessoris  
III classis  
**Ad Matutinum**

Bened. Ad sociátem  
Lectio III

**L**eo Papa nonus, cum nóbili  
cómitum Egishemiénsium génere  
natus esset, a dioecési Basileénsi  
ortum duxit. Originis nécmínus  
ánimi nobilitáte níus cáthedram  
episcopálem Tullénssem conscéndit  
et, cum Henricus Imperátor studéret

Ecclésiae reformández principátum  
viro digno deférri, succéssor sancti  
Petri élctus est. Quo múnere  
praéditus, pártibus Ecclésiae  
redintegrández addictis praeésseret  
coepit, quas ipse itinéribus per  
Itáliam, Gálliam, Germániam  
suscipiéndis máxime iuvit. Quibus  
in itinéribus, cum étiam in eam  
dioecésis Basileénsis partem, quae  
in móntibus sita est Iurénsibus,  
perveniret, monastérium quoque  
grandis vallis adiit. Quo Pontifice  
étiam infélix illa orientális ab  
Ecclésia occidentáli dirémpcio facta  
est. Quinque tantum annos  
Ecclésiae praefuerat, cum anno  
millésimo quinquagésimo quarto mórtuus  
est; móribus autem emendándis ardénter  
studens pósteris quoque  
emoluménto fuit.  
Te Deum laudámus.

**Ad Laudes**

V. Iustum dedúxit Dóminus per vias  
rectas,  
Allelúia. R. Et osténdit illi regnum  
Dei, allelúia.  
Ad Bened. Ant. Fortissimus  
Ecclésiae defénsor, \* ad regem  
suum Christum migratúrus orábat  
dicens: Da pacem, Dómine, pópulo  
tuo, allelúia.

Oratio

**A**désto supplicatióibus Ecclésiae  
tuæ omnipotens Deus: ut  
intercedénte beáto León  
Confessore tuo atque Pontifice,  
caeléstibus semper amplificétur  
augmémentis, et temporálibus ubique  
protegátur auxiliis. Per Dóminum.

### **Ad Vesperas**

V. Iustum dedúxit.  
 Ad Magnif. ant. Leo,  
 Beatissimus \* urbis Romae  
 episcopus, nutritor fuit pauperum et  
 doctor Evangélii, allelúa.

#### Oratio

**A**déstō supplicatióibus Ecclésiae tuae omnipotens Deus: ut, intercedénte beáto Leónē Confessóre tuo atque Pontifice, caeléstibus semper amplificétur augmén̄tis, et temporálibus ubique protegártur auxiliis. Per Dóminum.

### FESTA MAII

*Die 9 maii*

**S. Beati** Conf.  
 Commemoratio

#### Ad Laudes

Ant. Similábo eum viro sapiénti, qui aedificávit domum suam supra petram, allelúa.

V. Amávit eum Dóminus, et ornávit eum, allelúa. R. Stolam glóriæ induit eum, allelúa.

#### Oratio

**D**eus, qui nos sancti Beáti Confessóris tui ánnua sollemitáte laetificas: concéde propitiū; ut cuius natalicia cólimus, étiam actiōnes imitémur.

Per Dóminum.

*Die 16 maii*

**S. Ioniis  
 Nepomuceni**

Martyris  
 III classis

### Ad Matutinum

Bened. Ad societátem.

Lectio III

**I**oánnes de Pomuk, filius Welflini, circa annum millésimum trecentésimū septuagésimum clé-  
 Ricus Prágensis, imperáli auctoritáte múnere notárii pùblici functus est. Sacer-  
 Dótio auctus, vir egrégii indolis Pragae iuris canónici baccaláureus, Pa-  
 Távii vero decretórum doctor promótus est. Archi-  
 Episcopus Pragensis Ioánnem, inter canónicos cooptátum, dioecésis vicárium generálem constituit. Vir Dei iura Ecclésiae fórtiter contra regem Wencesláum défendit, qui illum in cárcerem detrúsum tormentisque vexátum tandem in Moldávam flumen, Pragam intérfluens, noctu deicere fecit. Iam apud aequáles praecipua occisiónis rátio sacramentále sigillum, constánter a Ioánne contra regis contentiόnem servátum, affirmabátur. Am-  
 Plius trecéntis post mortem annis, in iuridica córporis recognitióne, sancti Mártiris lingua incorrúpta et vivida repérita est. Benedictus décimus tértius, Póntifex Máximus,

primum hunc sacramentális sigilli assertó-

Rem sanctórum Mártymrum catálogo adscripsit. Te Deum.

#### Ad Laudes

V. Pretiósia in conspéctu Dómini, allelúa. R. Mors Sanctórum eius, allelúa.

Ad Bened. Ant. Filiae Ierúsalem, \* venite et vidéte Mártires cum corónis, quibus coronávit eos Dóminus in die solemnitátis et laetitiae, allelúa, allelúa.

#### Oratio

**D**eus, qui ob invictum beáti Ioánnis sacramentále silén-

Tium nova Ecclésiam tuam martyrii coróna decorásti: da; ut eius exémplo et intercessióne, ori nostro custódiam ponéntes, beátis, qui lingua non sunt lapsi, annumerémur. Per Dóminum.

Et fit commemoratio S. Ubaldi Ep. Et Conf.

Ant. Euge, serve bone et fidélis, quia in pauca fuisti fidélis, supra multa te constitua, dicit Dóminus, allelúa.

V. Iustum dedúxit Dóminus per vias rectas, allelúa. R. Et osténdit illi regnum Die, allelúa.

#### Oratio

**A**uxilium tuum nobis, Dómine, quaésumus, placátus impénde: et intercessióne beáti Ubáldi Confessóris, contra omnes diáboli nequicias déxteram super nos tuae propitiatiónis exténde. Per Dóminum.

#### Ad Vesperas

V. Pretiósia in conspéctu Dómini, allelúa. R. Mors Sanctórum eius, allelúa.

Ad Magnif. ant. Sancti et iusti, \* in Dómino gaudéte, allelúa: vos élégít Deus in hereditátem sibi, allelúa.

#### Oratio

**D**eus, qui ob invictum

Beáti Ioánnis sacramentále siléntium nova Ecclésiam tuam martyrii coróna decorásti: da; ut, eius exémplo et intercessióne, ori nostro custódiam ponéntes, beátis, qui lingua non sunt lapsi, annumerémur. Per Dóminum.

---

*Die 29 maii*

#### S. Ragnacharii

Episcopi Basileensis  
Et Confessoris  
III classis

#### Ad Matutinum

Bened. Ad societátēm  
Sermo sancti Máximi  
Episcopi  
Homilia 29 de S. Eusebio

#### Lectio III (De Communi)

**B**éati Patris Ragnachárii mérita, iam in tuto pósita, secúri magnificémus; qui, gubernáculum fidei viriliter tenens, áchoram spei tranquilla iam in statióne compósuit, et plenam caeléstibus divitiis et aetérnis mércibus navem

optáto in litore collocávit ; qui contra omnes adversários scutum timóris Dei támdiu infatigabiliter tenuit, donec ad victóriam perveniret. Quid enim fuit totus vitae illius cursus, nisi unius cum vigili hoste conflictus ? — Ragnachárius, in monastério Luxoviénsi sancti Eustásii abbátis discipulus, circa annum sexcentésimum vicé-Simum uti episcopus Ecclésiam Augustánam et Basileénsem rexit. Te Deum laudámus.

#### Ad laudes

V. Iustum dedúxit Dóminus per vias rectas, allelúa. R. Et osténdit illi regnum Dei, allelúa.

Ad Bened. ant. Euge, serve bone \* et fidélis, quia in pauca fuisti fidélis, supra multa te constituam, dicit Dóminus, allelúa.

#### Oratio

Deus, qui in corde beáti Ragnachárii Confessoris tui atque Pontificis, ignem tui amóris accéndere dignátus es : da ; ut eódem caritatis ardóre ab omni labe peccáti mundémur. Per Dóminum.

Et fit commemoratio S. Mariae Magdalena de Pazzis, Virginis :

Ant. Simile est regnum caelórum hómini negotiatóri quae rénti bonas margaritas : invénta una pretiosa, dedit ómnia sua, et comparávit eam, allelúa.

V. Diffusa est grácia in lábiis tuis, allelúa. R. Proptéra benedixit te Deus in aetérnum, allelúa.

#### Oratio

Deus, virginitatis amátor, qui beatam Mariam Magdalénam Virginem, tuo amóre succénsam, caeléstibus donis decorás-Ti : da ; ut, quam festiva celebritáte venerámur, puritáte et caritáte imitémur. Per Dóminum.

#### Ad Vesperas

V. Iustum dedúxit Dóminus per vias rectas allelúa. R. Et osténdit illi regnum Dei, allelúa.

Ad Magnif. Ant, Amávit eum Dóminus \* et ornávit eum ; stolam glória induit eum, et ad portas paradisi coronávit eum, allelúa.

#### Oratio

Deus, qui in corde beáti Ragnachárii Confessóris tui atque Pontificis, ignem tui amóris accéndere dignátus es : da ; ut eódem caritatis ardóre ab omni labe peccáti mundémur. Per Dóminum.

## ADDITAMENTA

*Die 5 martii*

Solodori,  
In ecclesia cathedrali

**Inventio Reliquiarum  
Ss. Ursi, Victoris  
Et Sociorum  
Martyrum  
III classis**  
**Ad Matutinum**  
Bened. Ad societatem

Lectio III

**C**um Sancti Ursi sanctuárum, supertúmulum constrúcum, saéculo décimo, Bertha Burgún-Diae regina statuente, loco altiore raedificarétur, corpus mártiris appáruit, quod, authénticum declarátum, in novam ecclésiam translátum est, Anno vero millésimo quingentésimo undevicésimo, cum huius ecclésiae collegiátae altáre maius commutarétur, corpus, quod per saécula látuit, dénuo repértum est. Iam nonnúllis annis ántea, cum sancti Petri sacéllum antiquum molirétur, triginta quátuor cōp̄ora invénta sunt, quae, cum iuxta

sepúlcrum sancti Ursi humáta fuissent, soci- Órum ipsius. Ursi crédata sunt. Te dEum laudámus.

### Ad Laudes

V. Exsultábunt sancti in glória. R.  
Laetabúntur in cubilibus suis.  
Ad Bened. Ant. Nox praecéssit  
maestitiae, \* adest dies laetitiae, in  
qua patet atque fulget hic thesáurus  
tam paeclárus, lucis orto sidere.  
Psallat laetus noster coetus; cedat  
fletus, omnis metus, cum sint data  
reveláta nobis dona tam bēata, miro  
Dei múnere.

### Oratio

**D**eus, Sanctórum tuórum splendor  
mirábilis, qui hodiéra die beatórum  
militum et Mártirum tuórum Ursi et  
Victoris Sociorúmque eórum sacras  
reliquias revelásti glorioséque  
decorásti: da nobis eórum  
intercessióne; ut a mundi periculis  
eruámur, et vitam cónsequi  
mereámur aetérnam. Per Dóminum.

### Ad Vesperas

V. Exsultábunt sancti in glória. R.  
Laetabúntur in cubilibus suis.  
Ad Magnid. Ant. Insignes Mártires  
Christi \* Victor et Urse, servórum  
vota vestrórum suscipe,  
quaésumus ; et in conspéctu aetérni  
Regis offérte, pétimus, ut nobis sit  
propitius.

---

*Die 26 martii*

In pago Schaffhusensi

**B. Eberhardi  
De Nellenburg  
Confessoris**

Commemoratio

**Ad Laudes**

Ant. Euge, serve bone et fidélis,  
quia in pauca fuisti fidélis, supra  
multa te constituam ; intra in  
gáudium Dómini tui.

Oratio

**D**eus, qui beátum Eberhárdum  
Cómitem caelésti regno terrénum  
postpónere docuisti : da nobis,  
quaésumus ; eius intercessióne et  
exémplo terréna despicere atque  
aetérna sectári.

Per Dóminum.

Imprimé en Belgique  
Par Desclée & Cie Editeurs S.A. Tourni. –  
10.641